

دورة

أنا صاحبك القرآن

المعاصرة

الأولى



أكاديمية "يزجون تجارة لن تبور"

ما هو القران؟

(مقدمة)

-حازم- يبني في يوم من الايام انا وشريف كنا بنصلي عنده في البيت

-أحمد- امم

-حازم- وآآ وكان بيسألني، انا التجويد بتاعي، يعني يعني هو كان غيران سيكا من ان انا بعرف اجود احسن منه، آآ ما شاء الله من ساعتها وهو مجتهد جدا

-أحمد- يعني كويس يعني يعني احسن بكثير ما شاء الله

-حازم- امم، ازيكم عاملين ايه؟

-أحمد- بدأت؟

-حازم- انا بدأت طبعا، انا لازم ابتي بداية كده في السكرتة يعني، آآ اه قبل ما ابتي عايز اشكر شاب كده اه كان هو ساعدنا في ان احنا نجيب بعض العدة يعني، اه



وعنده شركة اسمها USA shop هو بيحيب حاجات من امريكا وبتاع، عارفه؟

-أحمد- لبس وكده

-حازم- لبس، انت عارفه يعني؟

-أحمد- شوفت الفيديو

-حازم- اوكي حلو، فلو حد عايز حاجة من امريكا او بتاع آآ الشاب ده او الشركة دي ثقة جدا يعني، وآآ

I recommend them (أنصح بيها) جدًا، بس في

الاغلب هتبقى حاجات برضو اللي هي الـ ايه اللي وزنها خفيف مثلا او حاجة عشان لو كان وزنها ثقيل آآ هتدفعوا

جامد يعني

-شريف- وده اعلان مش مدفوع الاجر عشان بس...

-أحمد- لا هو مش مدفوع الاجل الاجر، هو آآ يعني كدعم متبادل، فاهم؟

-أحمد- شوف لو ينفع يحيب لنا فيزا؟

-حازم- فيزا! انت باقول لك ايه اتكلم كده في المايك



-شريف- بسم الله

-حازم- ثاني

-أحمد- مش سامعك

-حازم- بسم الله

-حازم- ثاني

-شريف- بسم الله

-حازم- ثاني

-شريف- السلام عليكم

-حازم- ثاني

-شريف- بسم الله

-حازم- ايوة كده

-أحمد- وطي بقى صوت الميك (حازم: بسم الله) عشان

الناس اللي بتتضايق

-حازم- يا عم فكك بقى، انا نضفت المكتب برضو عشان..

-شريف- ننصف السلوك



-أحمد- انا مش هقول لهم نكت النهاردة عشان عشان
-حازم- بص هي مراتي وامي فاهم يعني انا عندي ثلاثة
وتلاتين سنة كويس فانا بقى لي مثلا على الاقل مثلا فاهم
خمسة وعشرين سنة الناس ايه بتجتهد ان انا انظم
حياتي فاكيد مش كومت هيجي.. يعني فاهم؟

-شريف- كان غيرك اشطر يا حبيبي هههه.

-حازم- بالظبط، ok guys (تمام يا شباب) اه بصوا هو
انا الصراحة انا ما اعرفش انتم محضرين ايه، اه بس
بس انا حاسس ان انا عايز ابتي

-أحمد- يطلع واحد برضه يقول لك تحضير حازم حلو
قوي هههه

-شريف- من جد يا حازم انت محضر ايه النهاردة؟! حازم
حازم onfire (على نار = متحمس) النهارده

-حازم- الحمد لله الحمد لله، انا بس بديكم فرصتكموا يعني،
آآ عايز ابتي فعلا عايز ابتي فعلا، آآ بقول لك ايه؟!
قول انت ال- Intro (المقدمة).



-أحمد- انا ما عنديش Intro (مقدمة) يا عم.

-حازم- قول قول.

-أحمد- انا النهاردة حاسس ان انا جاي اتكلم في موضوع او احنا قلنا يعني نكمل في كلامنا عن القرآن، بما ان احنا المرة اللي فاتت آآ بنوجه الناس انه روح للقرآن؛ عشان يساعدك، فانا حسيت وانا وانا بفكر يعني انا جاي اتكلم عن مشكلة عندي يعني لو هي مثلا عند الشخص بيبقى كان لهم نسبة مثلا مية في المية هي عندي بنسبة ستين سبعين اصلا، فـآآ لان للاسف الكلام عن القرآن حاجة والايمان به حاجة تانية.

فـآآ كنت عايز احكيك شوية، هحكيتك مع الناس بقى. فاحنا يعني هدفنا النهاردة الهدف ايه من الحلقة ان احنا ناخذ خطوة مع القرآن تساعدنا آآ مع الاغاني ومع اي حاجة.

-حازم- اوكي.



-أحمد- لان آآ يعني فوجئت وانا بفكر قريب جدا الناس
اللي هي الناس الـ superstars (نجوم = الجامدين)
بتوع الدين بالنسبة لي يعني، فاهم؟
-حازم- ايوا.

-أحمد- ان الكوادر مثلا الشيوخ..

-حازم- اقطعها الحتة دي ولا اسيبها؟

-أحمد- يا ابني انا قلت حاجة؟!!

-حازم- بهزر يعم هههه.

-أحمد- الناس التقال مثلا طلاب العلم التقال الشيوخ
التقال الناس اللي عملت حاجات جامدة حتى على الارض
في الدعوة، مستحيل، مينفعش يبقى معندوش حال مع
القرآن.

-حازم- امم.

-أحمد- يعني في حاجة كده.. في علاقة، فاهم؟

directly proportional (علاقة تناسبية مباشرة
/ علاقة طردية)



-حازم- امم.

-أحمد- يعني لو هو حاله مع القرآن كويس آآ هيظهر
هيظهر نموذج آآ مم او او العكس لو هو نموذج كويس
لازم يبقى عنده حاجة، قرآن بالذات.

-حازم- صح.

-أحمد- فانا حاسس ان انا جاي اتكلم وانا ما عنديش
اصلا ده، يعني انا ما عنديش الحال عندي مشكلة قائمة
بس هي دعوة لنا وللناس فعلا انه انه الحال في القرآن
بقي سواء بقي اغاني او غيرها يعني.

-حازم- دي دي المقدمة.

-شريف- طيب هي.. هي ايه المشكلة؟ يعني المشكلة فين
دلوقتي؟

-حازم- آآ في حياتي مشاكل كتير بقي انت قصدك على
الحلقة؟

-أحمد وشريف- ههههه

-حازم- طيب



-شريف- لأ المشكلة عموما يعني مشكلتنا مع القرآن.
-أحمد- حلو.

-شريف- يعني عامر دلوقتي بدأ بيقول احنا ليه عايزين نتكلم او محتاجين نتكلم عن القرآن، احنا في الحلقة الاخيرة في اخر الحلقة يعني اتكلمنا كده عن ايه كلام سريع عن عن حب النبي عليه الصلاة والسلام لسماع القرآن وتأثر النبي عليه الصلاة والسلام بسماع القرآن فده وده صراحة..

-حازم- فرقت معايا.

-شريف- اه، يعني كلام كان حتى حتى كثير من الناس قالوا طب خلاص يعني ايه كلمونا بقى عن الـ ايه عن القرآن.

-حازم- امم.

-شريف- جزئية العمل بيتكلم فيها مسألة ان اصلا احنا عندنا مشكلة، يعني احنا لسه بنحاول ان احنا يكون عندنا حال مع القرآن، وان احنا نقرب من كلام ربنا سبحانه وتعالى.



واعتقد ان كثير من من الشباب اللي بيسمع دلوقتي هو ممكن يكون عنده مشكلة، هو مثلا يكون في درجة ان انا بالنسبة لي اصلا مش مستشعر قيمة القرآن.

-حازم- صح.

-شريف- يعني او يعني انتم دلوقتي عايزين تكلموني عن القرآن انا مش حاسس ان الكلام عن القرآن ده كلام مهم بالنسبالي، يعني هيفرق معايا في ايه؟

-أحمد- مضبوط.

-شريف- دي دي درجة، في درجة تانية هو والله عارف نفسي بس مش عارف، يعني يعني انا نفسي ان انا اه يبقى، يعني سمعت كلام جميل واتكسفت من نفسي، ونفسي ان انا ابقى بحب القرآن واسمعه واستمتع وافهم وكده بس مش عارف.

-حازم- مش عارف مش عارفهم او مش عارف اعمل ايه.

-شريف- ما عنديش الادوات، ما عنديش القدرة، مش عارف اعمل ده ازاي. يعني اما ان هو مثلا بسمع وما



بفهمش، السماع ثقيل عليا قراءة القرآن ثقيلة يعني الناس تقول لي خلي عندك ورد من الحاجات اللي احنا ان شاء الله نتكلم فيها ورد القرآن انت يبقى يوميا بتفتح المصحف وبقرا مش في رمضان بس، ففكرة الورد دي يقول ثقيل اوي، يعني في ناس ما شاء الله بتقرأ في اليوم جزء وجزئين، وفي ناس مش قادر يقرأ صفحة، مش قادر يفتح المصحف يوميا، فدي أزمة، مشكلة. يبقى أنا عندي مشكلة مش قادر أقرأ.

في مشكلة تانية بقرا ومش فاهم حاجة، يعني احنا قولنا في واحد مش حاسس بأهمية القرآن، في واحد بيسمع مش فاهم، في واحد ثقيل عليه ان هو يقرأ، في واحد يقرأ ومش فاهم أي حاجة، خالص! ف هو أصلاً حتى في التجويد ومش عارف ايه، مش عارف يقرأ قراءة الصحيحة بتاعته مش مضبوطة خالص.

ولو قعد مثلا في قعدة فيها مقراءة او جت فرصة كده ايه تلاقيه مكسوف ان هو يقرأ اي حاجة غير القرآن حتى يعني بالمناسبة، يعني حتى لو نص لو حديث مثلا ولا حاجة يبقى مكسوف ان هو يقرأ يقول ما بعرفش اقرأ



عربي. فدي شريحة كبيرة موجودة مننا كشباب، ان هو مش عارف يقرأ؛ فاحنا احنا بنتكلم دلوقتي بنخاطب كل ده يعني عايزين نتكلم عن اهمية القرآن، الايمان بيه، واثر القرآن علينا، وأحوال النبي عليه الصلاة والسلام والصحابه مع القرآن كانت كانت عاملة ازاي..

-حازم- جامد.

-شريف- واحنا عايزين نوصل لايه؟

-أحمد- قلب احمد عامر قوي في الحته دي.

-حازم- اه. طيب خلينا ناخذ آآ ستاشر خطوة لورا كده.

-شريف- عايز ايه؟

-حازم- آآ النقطة اللي انت قلتها بتاعة هو مش مش فاهم

آآ مثلا قيمة القرآن او هيفرق معاه في ايه او كده.

-أحمد- احنا كمان.

(بداية المحاضرة: ما هو القرآن؟)

-حازم- ايوة ايوة في العموم يعني، انا قصدي انا انا عايز

اجي لنقطة انه هو اصلا ايه القرآن؟



-أحمد- اه. معاك. حلو. -شريف- مضبوط.

-حازم- يعني احنا آآ بناخد الموضوع For granted

(كأمر مسلم به)، ده اللي اللي هو القرآن موجود، ومش عارف ايه، وبيتحفظ، وصوتنا حلو، ومش عارف ايه مم كل الحوارات دي والاية بكذا، ومش عارف ايه، هو ايه اصلا، فاهم؟

-أحمد- انا عايز اجابو على الحتة دي لانه الاجابة آآ نخلي القرآن هو اللي يقولها.

-حازم- حلو.

-أحمد- لان هي موجودة اصلا في القرآن، انه الانسان يعني احنا.. تحس الواحد تحس ان هو تايه، حيران، متضايق، في ظلمات، متخبط، مريض، مريض من جواه، شهوات مسيطرة عليه، حاسس ان انا مش ماشي صح، ده حالنا! ده حال اي حد مش اللي هو بس اللي عايز يبقى كويس، ده حال اي احد سواء يدري او لا يدري. يعني ده حال الناس. شايف الحياة بمنظور غلط، شايف الصح والغلط بمنظور غلط، في عقول بقى هي اللي بتقيم



وكده، فالإنسان عايش تايه؛ فربنا سبحانه وتعالى بيتكلم عن القرآن وده من العجيب ان القرآن هو اللي يعني بيتكلم عن نفسه، بيتكلم كتير، لان ربنا بيتكلم كتير في قرآنه، هو القرآن كأنك ماسك كتاب حاجة عجيبة انك تقول كل ما تفتح الكتاب يقول لك ايه: خلي بالك الكتاب ده كذا كذا كذا.

-حازم- سبحان الله!

-أحمد- بعد كده تقلب شوية وبعد كده تلاقي الراجل اللي مثلا اللي كاتب الكتاب يقول لك بس على فكرة بقى الكتاب ده.. لأ يا عم خرينا نتكلم في الموضوع نفسه ان انت عامل نفس الكتاب، لأ، ليه؟ عشان انت عندك ضعف ايمان شديد. وعندك جهل اصلا بان انت ماسك ايه. والله المثل الاعلى، أن القرآن لما ربنا وصفه واتكلم عنه آآ قولوا معي الاوصاف اللي اتقالت!

-شريف- حاولت اجمع كده (أحمد: مش هتخلص، كتيرة جدًا) جمعت كمية آيات، يعني يبقى انا بس كتبت كلمة قرآن او قرآنا مثلا يعني، جمعت كمية، يعني من اول



سورة البقرة: قال تعالى: ﴿شَهْرُ رَمَضَانَ الَّذِي أُنزِلَ فِيهِ الْقُرْآنُ هُدًى لِّلنَّاسِ وَبَيِّنَاتٍ مِّنَ الْهُدَىٰ وَالْفُرْقَانِ﴾

يعني اول حاجة احنا عندنا مشكلة مش عارف الطريق، القرآن بيعرفك الطريق.

انت بتفتح البداية كده بيقول لك: ﴿بِسْمِ اللَّهِ الرَّحْمَنِ الرَّحِيمِ ① الْحَمْدُ لِلَّهِ رَبِّ الْعَالَمِينَ ② الرَّحْمَنِ الرَّحِيمِ ③ مَالِكِ يَوْمِ الدِّينِ ④ إِيَّاكَ نَعْبُدُ وَإِيَّاكَ نَسْتَعِينُ ⑤ اهْدِنَا الصِّرَاطَ الْمُسْتَقِيمَ ⑥﴾ اللي هو الطريق، القرآن، فهداية ربنا سبحانه وتعالى، وان انت تعرف الحق من الباطل، ويبقى عندك الفرقان، ده الفرق بين الحق والباطل بين الليل والنهار بين الظلمات والنور، دي وظيفة القرآن.

﴿تَبَارَكَ الَّذِي نَزَّلَ الْفُرْقَانَ﴾ يعني سمي القرآن ايه؟ فرقان ليه؟ علشان بيخلي الدنيا عندك واضحة.

عارف عارف والله العظيم من نعمة ربنا على الانسان في اسئلة كتير هي بالنسبة لك انت كحازم وكشريف وكعامر اسئلة اجابتها بديهية جدا.



يعني.. "انت مين؟ مخلوق هنا ليه؟ بتعمل ايه؟ لما هتموت ايه اللي هيحصل؟ آآ المفروض ازاى ان انت تمشي في في الدنيا دي؟ ايه دورك في الدنيا؟"

-أحمد- "ايه هي الدنيا دي؟"

-شريف- "ايه هي الدنيا؟ قيمة الدنيا؟" في مفاهيم كده.. حاجات لما اسألك عليها تقول لي: "عادي يعني انا دي بالنسبة لي الف باء عقيدة الف به إسلام"

انا عايز اقول لك ان الحاجات الاساسية بالنسبالك دي كتير من الناس على مر العصور والتاريخ، يعني حاجات بسيطة، يعني أمم ضلت بس في سورة الاخلاص اللي هي اللي عندك دي: ﴿قُلْ هُوَ اللَّهُ أَحَدٌ ① اللَّهُ الصَّمَدُ ② لَمْ يَلِدْ وَلَمْ يُولَدْ ③ وَلَمْ يَكُنْ لَهُ كُفُوًا أَحَدٌ ④﴾ شوف كام أمة هتيجي في يوم القيامة تدخل النار بسبب ايه؟ ان هو ضل في الجزئية دي بس.

-أحمد- في نقطة كمان انه لو كان القرآن منزلش الإجابات اللي عندي دي عمرها ما هتبقى عندنا

-شريف- مفيش إجابات!



-أحمد- يعني يعني الإجابات كانت هتبقى زي الإجابات الغلط، كانت هتبقى كل الإجابات غلط، الإجابات الصح مجتث إلا عشان القرآن قالهالنا؛ فـ دي نقطة مهمة ان الواحد لازم يفهم ان هو الضياع اللي أنا فيه والديه والتخبط ده عشان القرآن مصـلحليش الحاجات دي! وعشان كده مسميات القرآن أكثر من كده بكتير طبعًا، أوصاف القرآن.. يعني أنا أقول في ظلمة ربنا قال: ﴿.. وَأَنْزَلْنَا إِلَيْكُمْ نُورًا مُبِينًا﴾ [النساء: ١٧٤]، أنا حاسس ان أنا مش عارف اظبط مع ربنا ﴿هُدًى لِلنَّاسِ﴾، أنا حاسس بالمرض أنا حاسس ان الواحد الأغاني مسيطرة عليه وكده ربنا قال ايه؟ ﴿.. قُلْ هُوَ لِلَّذِينَ آمَنُوا هُدًى وَشِفَاءً...﴾ [فصلت: ٤٤] قولهم ان ده الدواء، أوصاف القرآن كلها بقا كده، أنا حاسس ان أنا المادية مقصرة عليا وكده ﴿وَكَذَلِكَ أَوْحَيْنَا إِلَيْكَ رُوحًا مِنْ أَمْرِنَا...﴾ [الشورى: ٥٢] كلام القرآن عن القرآن إجابات لحالنا الوحش، انت عندك مشكلة هنا؛ القرآن جاي عشان يعملك دي، عندك مشكله؛ القرآن هو بس، وبس! يعني ﴿إِنَّ هَذَا الْقُرْآنَ يَهْدِي لِلَّتِي هِيَ أَقْوَمُ...﴾ [الإسراء: ٩]، عايز تستقيم؛ القرآن هو



اللي بيخليك تستقيم. فسبحان الله، الكلام، ايه هو القرآن؟
القرآن: هو العلاج الوحيد، الحل الوحيد، عشان احنا
نعرف نعبد ربنا. فـ ده بقا اسقاطه على الأغاني بس
 حاجة، فاهم؟ بقت صغيرة اوي اوي، [-حازم- صح صح]
 احنا مش بنتكلم عن الاغاني؛ احنا بنتكلم عن الحياة كلها،
 منها حاجة عبيطة اوي اسمها الأغاني. القرآن.. يعني
 فعلاً سلطان القرآن عليك، لو القرآن فعلاً هو اللي بنانا،
 لا لا! لا أغاني ولا غيره! [-حازم- سبحان الله!] فـ احنا
 عندنا هنا مشكلة في دي، عندنا ضعف إيمان ان ان انا
 بقولك انا واحد من ده، لان عشان في فرق هنا ما بين
 مؤمن ده كتاب كلام ربنا وان هو بيبغير بس لأي درجة؟
 إيمان لأي درجة؟ لدرجة ان أنا بروحله وبتغير بيه؟ ولا
 لا؟ أنا واقف فين؟؟

-حازم- أنا بروحله بدور على حلول جواه ولا هروح
 عشان أخذ حسنات عشان..

-أحمد- اه! أنا واقف فين؟! أنا حاسس ان علاقتي.. ان
 حاسس ان مخدمش من القرآن 10% أصلاً! ده لو بكل



وضوح! إيماني بيه موصلنيش لأكثر من كده. وهمشي معاه بعد كده.

-شريف- عارف يا عامر؟ سبحان الله يا عامر لما حازم بيسأل هو بيقول "هو ايه القرآن؟"، هو القرآن على كده ما ده ان دي إجابة تبقى هي سهلة وبسيطة ان القرآن كلام الله، الا ان ده لما الانسان أصلاً يتفكر في المعنى اللي هو البديهي ده ان ده يا جماعة كلام ربنا، كلام رب العالمين [-أحمد- سبحان الله. -حازم- شيء عجيب.]

-شريف- فـ أنت أصلاً تصور ان بين يدك كلام الملك سبحانه وتعالى كلام ربنا سبحانه وتعالى؛ ﴿الَّذِي خَلَقَ فَسَوَّى ۝ وَالَّذِي قَدَّرَ فَهَدَى ۝ وَالَّذِي أَخْرَجَ الْمَرْعَى﴾ [الأعلى: ٢-٤] كل ده ايه؟ ده كلام ربنا! يعني ربنا سبحانه وتعالى اللي خلق السماوات والأرض اللي جعل الظلمات والنور اللي خلق كل المخلوقات! ﴿وَمَا مِنْ دَابَّةٍ فِي الْأَرْضِ إِلَّا عَلَى اللَّهِ رِزْقُهَا وَيَعْلَمُ مُسْتَقَرَّهَا وَمُسْتَوْدَعَهَا...﴾ [هود: ٦] .. وَمَا تَسْقُطُ مِنْ وَرَقَةٍ إِلَّا يَعْلَمُهَا...﴾ [الأنعام: ٥٩]



سبحان الله! يعني يعني لما أنت تتصور ان جزء كبير من إيمانك بالقرآن وأثر تعظيمك للقرآن في قلبك؛ ده هيجي نتيجة ايه؟ نتيجة تعظيم الإنسان للمتكلم بالقرآن.

هو يا جماعة ده كلام مين؟ ده مش كلام ﴿وَقَالُوا أَسَاطِيرُ الْأَوَّلِينَ﴾ اكتبها فهي تملأ عليه بكرة وَأَصِيلًا ﴿قُلْ أَنْزَلَهُ الَّذِي يَعْلَمُ السِّرَّ فِي السَّمَاوَاتِ وَالْأَرْضِ...﴾ [الفرقان: ٥-

٦] يعني ده مش كلام بشر، هم أصلاً المشركين كانوا بيقولوا كده! إنما ايه يعلمه بشر، لا! ﴿.. لِسَانُ الَّذِي يُلْحِدُونَ إِلَيْهِ أَعْجَمِيٌّ وَهَذَا لِسَانٌ عَرَبِيٌّ مُبِينٌ﴾ [النحل: ١٠٣]، ده كلام ربنا سبحانه وتعالى! فـ لما أنت ترجع تعظيمك لربنا سبحانه وتعالى ومعرفتك بالله سبحانه وتعالى، وتعرف ان ربنا العليم الخبير اللطيف الرحمن الرحيم هو اللي تكلم بالكلام ده، لا الموضوع هيتختلف! الموضوع هيتختلف! إيمانك بيه هيتختلف! تصديقك ليه هيتختلف! وده اللي هينقلنا يعني لأوصاف القرآن زي ما كان عامر بيتكلم، أنا عايز بس الناس اللي بتتفرج لحد كده ادخل اعمل بحث على الانترنت [أحمد- على أوصاف القرآن] اكتب بس القرآن، اكتب بس القرآن، وجمع



الآيات وعيش معاها! قال تعالى: ﴿وَنُنزِّلُ مِنَ الْقُرْآنِ مَا هُوَ شِفَاءٌ وَرَحْمَةٌ لِّلْمُؤْمِنِينَ وَلَا يَزِيدُ الظَّالِمِينَ إِلَّا خَسَارًا﴾ [الإسراء: ٨٢]

وقال تعالى: ﴿وَلَقَدْ صَرَّفْنَا لِلنَّاسِ فِي هَذَا الْقُرْآنِ مِن كُلِّ مَثَلٍ فَأَبَى أَكْثَرَ النَّاسِ إِلَّا كُفُورًا﴾ [الإسراء: ٨٩]

فده شوف حتى ربنا سبحانه وتعالى يقول للنبي عليه الصلاة والسلام: ﴿وَإِنَّكَ لَتُلَقَّى الْقُرْآنَ مِن لَّدُنِّ [ايه؟] حَكِيمٍ عَلِيمٍ﴾ [النمل: ٦] يعني القرآن ده مش جاي لك من اي حد ﴿وَإِنَّكَ لَتُلَقَّى الْقُرْآنَ مِن لَّدُنِّ حَكِيمٍ عَلِيمٍ﴾ [النمل: ٦] فده دي الوقفة الاول، ان انا محتاج اعيد اه حساباتي مع القرآن: هو هو وضعه ايه في حياتي؟ اهميته ايه عندي؟ ايماني به عامل ازاي؟ ايه هو؟

-أحمد- السؤال ده عميق جدا: ايه ايه هو القرآن ده؟ يعني انت شايفه ايه فعلا؟ وكل شوية يمسك قرآن يقول له انت متخيل ده ايه؟ انا من الايات اللي بحبها اوي سورة الانبياء ربنا بيقول له ايه: ﴿قُلْ إِنَّمَا أُنذِرُكُمْ بِالْوَحْيِ...﴾



انا مش بقول كلام من عندي ده انا بكلمكم من حاجة جاية من فوق، **إِنَّمَا أَنْذَرُكُمْ بِالْوَحْيِ**، فالانذار ده مش.. مش كلام عادي! **إِنَّمَا أَنْذَرُكُمْ بِالْوَحْيِ** قلت لكم يبقى وحي..

وفي سورة سبأ: **﴿قُلْ إِنْ ضَلَلْتُ فَإِنَّمَا أَضِلُّ عَلَى نَفْسِي وَإِنِ اهْتَدَيْتُ فَبِمَا يُوحِي إِلَيَّ رَبِّي...﴾** [سبأ: ٥٠] الي ربنا هيقولهولي ده اللي بيهديني. انا من غير كده ما فيش.

-شريف- كده لسه امبارح يعني كنت لسه وانا جاي في الطريق انا وعبد الله بنسمع درس من دروس السيرة بتاعة الشيخ سعيد الكملي، فجه موقف فاستغربنا من ان، يعني هي مش حاجة غريبة يعني، ان في مواقف الدعوية اللي جت للنبي عليه الصلاة والسلام مع المشركين زي مثلا ايه: اه اما كان جالس مع وفد اللي كان فيه المثنى ابن حارثة والناس دي [-أحمد- بني شيبان] بني شيبان النبي عليه الصلاة والسلام عمل ايه؟ قرأ قرآن.

قاعد مثلا مع عتبة ابن ربيعة يعمل ايه؟ قاعد يتكلم يتكلم يتكلم عتبة ابن ربيعة يقول له لو بك لو بك فقر هنجيب هنجمع لك مال لو عايز تتجوز هنجوزك لو عايز تبقى في السيادة هنخليك سيد.. خلاص خلاص فرغت؟ «فرغت يا



ابا الوليد؟» هم. يقول: «فاسمع اذا» يقرأ عليه، النبي عليه الصلاة والسلام ما اتكلمش! يقرأ صدر سورة فصلت

-حازم- صدر يعني ايه؟

-شريف- بداية بداية سورة فصلت يعني، لحد لما وصل ﴿فَإِنْ أَعْرَضُوا فَقُلْ أَنْذَرْتُكُمْ صَاعِقَةً مِثْلَ صَاعِقَةِ عَادٍ وَثَمُودَ﴾ [سورة فصلت: 13] في رواية من الروايات صراحة كنت اول مرة اسمعها ان ان عتبة ابن ربيعة لما ايه قال: "حسبك" وحط ايده على على فم النبي عليه الصلاة والسلام عشان ما يكملش.

فلما رجع فالمشركين يقولوا: "نحلف بالله لقد جاء عتبه بغير الوجه الذي ذهب به". فقالوا: "ما سمعت منه؟" فقال: "والله ما فهمت شيئا الا انه انذرنا صاعقة مثل صاعقة عاد وثمود."

يقولون: "ويحك! يحدثك بكلام عربي ولا تفهم شيئا؟!" قال: "والله ما فهمت شيئا."



قال تعالى: ﴿.. قُلْ هُوَ لِلَّذِينَ آمَنُوا هُدًى وَشِفَاءً وَالَّذِينَ لَا يُؤْمِنُونَ فِي آذَانِهِمْ وَقْرٌ وَهُوَ عَلَيْهِمْ عَمًى أُولَٰئِكَ فِي ضَلَالٍ بَعِيدٍ﴾

فالحقّة دي اللي النبي عليه الصلاة والسلام قُلْ إِنَّمَا أُنذِرُكُمْ بِالْوَحْيِ! يعني ده الكلام اللي النبي عليه الصلاة والسلام كان بيغير به نفوس الصحابة. تحولوا من حال لحال، هي بس بالوحي والقرآن.

-أحمد- فيه كام حديث كده [-حازم- سبحان الله] ان النبي ﷺ يقول: «يرفع بهذا الكتاب اقواما...» يعني كلام النبي ﷺ عن القرآن برضو آآ مش مش برضو ايه ما لوش علاقة بنظرتي للقرآن، يعني نظرتي للقرآن انها كتاب مهم جدا وكده، بس النبي ﷺ ما اتكلمش في المستوى ده؛ لان حقيقة القرآن برضو مختلفة، ان ان الله يرفع بهذا الكتاب اقواما ويضع اخرين.

وان «من ليس في جوفه شئ من القرآن كالبيت الخرب» البيت الخرب يعني شوف بقى واحد عايز يظبط علاقته مع ربنا ومش عارف ايه، النبي عليه الصلاة والسلام بيقول له: لو انت ما عندكش قرآن انت زي



البيت الخرب. تخيل بقى فاهم؟! واحد مش مدرك! وهو بيت خرب! وعايذ يبقى كويس! طب ما هو ده احنا ده احنا ده احنا اصلا تحت خالص كده ان النبي عليه الصلاة والسلام يقول انه هو زي ايه؟ اه «حبل طرفه بيد الله وطرفه بأيديكم» يعني التصوير ده [-حازم- سبحان الله] بيقول لك ان انت لو مش ماسك في القرآن انت انت غرقت انت وقعت انت.. «واعتصموا بحبل الله جميعا ولا تفرقوا» فالكلام عن.. الكلام النبي ﷺ عن القرآن غير اللي احنا بنقوله!

عارف؟ غير، فاهم؟ غير اللي هو ايه؟ قشطة انا عايذ ابقى اقراه، لا! ايه عايذ تقول ايه؟

-شريف- حديث اللي انت بتقوله اللي هو النبي عليه الصلاة والسلام قال: «ان الله عز وجل يرفع بهذا الكتاب اقواما ويضع به اخرين» ده كان كان له قصة جميلة يعني ان سيدنا عمر كان استعمل رجل على اهل مكة.



يعني ان هو يبقى آآ يعني الوالي على اهل مكة، في خلافة عمر. الراجل ده قابل سيدنا عمر في في مكان في سفر يعني، فسيدنا عمر سأله قال: "من استعملت على اهل الوادي؟"

قال: "استعملت ابن ابزة" يعني قال لي قال لي استخلفت مين مكانك؟ قال: "استعملت ابن ابزة"

فقال عمر رضي الله عنه: "ومن ابن ابزة؟" مين ابن ابزة ده؟

قال: "يا امير المؤمنين مولى من موالينا" يعني مولى من الموالين.

سيدنا عمر صدم، قال له: "انت استعملت على اهل مكة..؟" قال: "استعملت على اهل الوادي، اهل مكة، مولى من الموالي؟! " مكة دي يعني.. [-حازم- مولى يعني كان مملوك..؟] اه كان عبد واعتق بس لسه الولاء للي اعتقه يعني.

فقال: "مولى من الموالي"

فقال: "استعملت على اهل الوادي مولى؟!"



يعني قريش لسه عارف النخوة بتاعت الجاهلية لسة دا في عهد عمر، يعني لسة يعني قريب من من فتح مكة!

فقال: "يا امير المؤمنين انه قارئ لكتاب الله"

حافظ لكتاب الله عالم بالفرائض، فقال، سكت عمر خلاص [-حازم- سبحان الله] قال: "اما اني قد سمعت نبيكم ﷺ يقول: ان الله عز وجل يرفع بهذا الكتاب اقواما ويضع به اخرين" خلاص هي انتهت!

-أحمد- لان النبي ﷺ عمله برضو في في الهجرة، لما الصحابة هاجروا والنبي كان لسه مهاجرش، آآ فكتاب السيرة يعني يقول لك اللي كان بيصلي بالصحابة سالم، مولى، واحد برضو من الناس دي.

-شريف- جمع القرآن في عهد النبي [-أحمد- اه لانه..] جمع القرآن اربعة منهم سالم مولى..

-أحمد- ده في القرآن حاجة تانية فانت ما ما.. يعني تقديرنا للقرآن اقل من الصح، تقديرنا للناس، اه، بتوع القران اقل من الصح.



لما النبي عليه الصلاة والسلام يقول: ان لله أهلين وانه هو حملة القرآن دول، يعني اهل الله..

احنا بس الكلام ده اهم حاجة انه يرجع تاني يصب في زهننا في السؤال بتاع انت انت شايف ده ايه؟ شايف ده ازاي دلوقتي؟ لما النبي ﷺ سيدنا عمر برضو آآ لما جاله بصحيفة او او بحاجات من وقال له يعني التوراة في حاجات كويسة وكده افنكتبه؟ يعني ايه رأيك نكتبها ونبقى نشيرها وننزلها ويعني كلام حلو كلام فالنبي ﷺ غضب!

[حازم- سبحان الله] لانه ما ينفعش تبقى في مرحلة ان انت عايز حاجة غير القرآن! قال له: «لو كان موسى ابن عمران حياً ما وسعه الا ان يتبعني!»

-حازم- دي نقطة مهمة اوي. نقطة..

-أحمد- علاقتنا بالدروس والبودكاست، فاهم؟ والكتب اقوى من القرآن!

-حازم- مم. انا عايز عايز بس آآ اتكلم في نقطة انه آآ ايه علاقة القرآن بالتوراة والانجيل ونزل ليه اصلا؟ يعني هل القرآن نزل عشان آآ عشان يجمع التوراة والانجيل؟ ولا



نزل.. انا انا بسأل سؤال سازج سيكا و عارف يعني الى حد كبير اجابته يعني بس بحس ان في مسلمين كثير مش عارفين اصلا، وانا كنت منهم يعني قريب أو حاجه، ان القرآن نزل فعلا ليه؟ ماشي يعني النبي نزل والاسلام ومش عارف ايه.. بس ليه لازم كتاب؟ وليه الكتاب ده هو القرآن؟ وهل القرآن هو كلام الله بس؟ ولا التوراة كمان كانت كلام الله؟ يعني ايه اللي مميز القرآن عن بقيه الكتب دلوقتي؟

-شريف- السؤال ده عايز الشيخ عمرو الشرقاوي.

-أحمد- لا سؤال يعني ما شاء الله. السؤال اجابته آآ الانسان من غير ما ربنا يقوله مش هيعرف، زي ما قلنا في الاول. ف لحد اللحظة دي الكتب دي متحرفة خلاص. الانجيل والتوراة متحرفين، ربنا قال أنهم متحرفين. فكلام ربنا يا اما يا اما بقى خلاص بلاش كلام ربنا بقى كلام بشر بقى.. فيه فيه من كلام الوحي وفيه من كلام ربنا وفيه كلام بشر وفيه كلام غلط وفيه كلام مينفعش. ف كان لازم الوحي ينزل تاني عشان يقول للانسان الصح ايه والغلط ايه وانت مين.



-شريف- كمان الرسايل دي كانت نازلة في في لأمة
معينة في زمان معين

-أحمد- اه اه دي بقيت الإجابة طبعًا.

-شريف- اه يعني الشرع ده كان نازل في زمان محدد
لأمة محددة، لكن القرآن هي رسالة رب العالمين حتى
قيام الساعة، مم، فـ ده يعني أنا في الفين وعشرين،
الفين وتلاتين، الفين وخمسين، لحد قيام الساعة هو
القرآن. رسالة ربنا سبحانه وتعالى، مناسب لكل عصر.

-أحمد- طب احنا عرفنا ده منين؟ عشان ربنا قال لنا كده
في القرآن. ما اهو أنت.. مربوط الفرس هل أنت مصدق
ان الكتاب ده متحرف ولا ده كلام ربنا مية في المية؟ اللي
هو القرآن.

يعني ممكن تمشي في دي وتكتشف ان ده كلام ربنا.
فربنا بيقول جواه حاجات، فخلاص هي الصح. من اللي
ربنا بيقول ان الكتب دي متحرفه خلاص.



فهنرجع لنقطة ان انت من غير كلام ربنا ما تعرفش تعمل، ما تعرفش تعيش، ما تعرفش تظبط، ما تعرفش تفهم، ما تعرفش تقرر ماتعرفش تبقى سوي.

ف— يعني عايز اجي لنقطة مهمة هو القول اللي هو اظن ابن مسعود لما قال ان القرآن نزل ليه؟ عشان: ليعمل به فالمشكلة حصلت: فاتخذوا تلاوته عملا

المقولة دي زي بالظبط اتَّخَذُوا هَذَا الْقُرْآنَ مَهْجُورًا. الشيطان عمل حاجة فعلا عجيبه في علاقتنا مع القرآن. يعني انا حاسس ان دي.. يعني عارف لو احنا في مرحلة يااه القرآن كان شكله عامل ايه؟ واياه السور اللي فيه؟ لو احنا في المرحلة دي حاسس انه ايه؟ انه اليقظة سهلة، انما في غفلة مسمومة!

احنا بنقرا القرآن في رمضان وعندي ابليكيشن، وحاطه في العربية عشان فاهم البركة، وتلاقي واحدة عندها اية الكرسي مش عارف كده، وفي المطبخ، وفي العزاء، القران موجود، بس مش موجود عشان دوره!

-حازم- فولك. فولكلور وبتاع.



-أحمد- اه. مش موجود عشان عشان كده فاتخذوا تلاوته عملا، بقى اقصى علاقتنا به ان انا اسمي قرите! حفظته! حتى بيحفظ قرآن.. بس وقف هنا خالص. وتاني بقى بص لحاله ما هو مش ده حامل مش ده اهل الله مش هم مش بيبقوا عاملين كده.

فـ المشكلة في تلبيس الشيطان انت المفروض يعني عشان كده بقول لك ايه انا مش بقول انا مش مؤمن، لا طبعا مؤمن ده كلام ربنا..

ما هو مش ده مش مم في يعني الشيطان عمل خدعة انا بحسها قوية جدا، ان القرآن موجود! وبقوة يعني! والناس عارفة ايات وفاهم والناس.. بس خلاص بس وقفنا هنا برضو. فدي مشكلة كبيرة! عندنا كمسلمين مع القرآن.

-شريف- على فكرة الجزئية دي مسألة ان اصلا يعني عشان تعرف قيمة القرآن تعرف تبص من قدر اهتمام الشيطان بصرف الناس عن القرآن.



يعني ربنا سبحانه وتعالى قال: ﴿فَإِذَا قَرَأْتَ الْقُرْآنَ فَاسْتَعِذْ
بِاللَّهِ مِنَ الشَّيْطَانِ الرَّجِيمِ﴾ [النحل: ٩٨]

[أحمد- عشان دي اول حاجة] يعني انت من البداية يسن
لك ويشرع ليك من السنة مستحب ان انت اول لما تيجي
تقرأ قرآن تستعيز بالله من الشيطان الرجيم. ابن القيم له
كلام في في الآية دي في غاية الجمال، يعني بيتكلم ان
ليه ربنا سبحانه وتعالى امرنا او من السنة ان الانسان
يستعيز بالله من الشيطان قبل ما يبدأ في القرآن.

قال كلام طويل يعني، ملخص الكلام ان ان الشيطان هدفه
ان انت يعني يصرفك عارف بايه بالاعلى فالأقل يعني.
اما ان هو يصرفك عن القرآن تماما، تعرض عنه. طيب
لو انت مقبل عليه؟ وعائز تقرأ؟ يخليك ان انت تقرأ
قراءة زي ما عامر يقول كده آآ عادي [-أحمد- هزاً كهز
الشعر] اه هزاً كهز الشعر. ما تستفيدش منه اي حاجة.

او ان انت ماسك المصحف وكده، القرآن في ايدك وقلبك
وعقلك في حنة تانية خالص. واي انتفيكيشن تيجي على
الواتساب ولا بتاع انت عائز بس ايه همك اعمل صح ان
انا خلصت الورد النهاردة. او ان انت بتقعد تقلب هي



السورة هتخلص امتي؟ عايز اخلص! هي مهمة وعايز اخلصها.

لما تشوف الحال اللي احنا فيه ده اه اول ما تستغربش الواقع بتاعنا ليه كده، وتاني حاجة تعرف بقى حال الصحابة والنبي عليه الصلاة والسلام مع القرآن هتلاقي لأ ان هم كانوا بيتعاملوا مع القرآن تعامل مختلف تماما . يعني وده اللي احنا عايزين نتكلم فيه. يعني ازاي على جانب حب القراءة والحفظ والسماع..

يعني احنا قلنا المرة اللي فاتت حديث أبي بن كعب ان النبي عليه الصلاة والسلام يروح له ويقول: «ان الله امرني ان اقرأ عليك سورة البينة»، يا جماعة منزلة سيدنا أبي كانت ايه؟ هو سيدنا ابي من من حملة القرآن، من كتبة الوحي، هو اترفع الدرجة دي ليه؟ عشان هو عشان حبه للقرآن عشان عنايته بالقرآن.

النبي عليه الصلاة والسلام يروح يقوله نزل وحي، سيدنا جبريل قال لي اقرأ عليك سورة البينة قال: "وسماني؟" قال: «وسماك.»



يعني ربنا قال اسمي؟ قال: «وسماك.»
قال: فبكي ابي.

اللي وصل سيدنا ابي ده ايه؟ اللي وصل سيدنا اسيد بن
حضير؟ حديث عجيب، سيدنا اسيد كان بيقرأ في رواية
بسورة البقرة ورواية سورة الكهف، بيصلي قيام الليل،
واقف في حنة زي المربد اللي هو زي الـ ايه، زي
الحظيرة، اسطبل كده يعني، والفرس جنبه ابنه على
الارض، وبيقرأ، قال: فجالت الفرس، يعني وهو بيقرأ
فلقى الفرس ايه هاجت، فكمل في القراءة فجالت اخرى،
فكمل فقال فخشي ان تطأ يحيى ابنه، فوقف قراءة،
فبيقول فرأيت امثال السرج تعرج في السماء حتى لا اراه،
شفت في حاجة ايه.. حاجة منورة كده وطالعة في السما
يعني، فراح للنبي عليه الصلاة والسلام ويحكي له عن
اللي شافه، فهو بيقول له ايه؟ بيقول ان انا يا رسول الله
قرأت وكده فجالت الفرس فقال: «اقرأ ابن حضير» يعني
عايز يقول له ايه؟ كنت تكمل، ما توقفش كمل!

مم



قال: "فقرأت فجالت اخرى" فقال: «اقرأ ابن حضير»
 قال: "فقرأت فجالت" قال: «اقرأ ابن حضير» قال:
 "فخشيت ان تطأ يحيى" فقال: "فرأيت امثال السروج
 تعرج في السماء" قال: «تلك الملائكة دنت لقراءتك»

يعني الملائكة نزلت لتستمع قراءة آآ سيدنا اسيد بن
 حضير

-أحمد- انت عارف آآ عارف من كتر ما احنا بعيد من
 القصص دي ساعات يعني يعني ممكن يجي لي فكرة في
 قصة من القصص دي انه

-شريف- الله دي حاجات جميلة قوي بس صعبة قوي

-أحمد- اه هي قصص دي حقيقي اصلا؟ فاهم هي هي اه
 يعني ليه؟ [-حازم- ايوا] ادراكها العقلي عندي؟ ليه؟ لان
 انا بعيد قوي.

عارف اللي يقول لك ده خاتم القرآن في ركعة؟ فانت لو
 يعني مع واحد ما بيصليش خالص ماشي فاهم؟ لان هو
 مش قادر يستحمل عقله مش قادر يستحمل الفكرة!



الحديث الثاني بتاع سيدنا عباد اللي هو كان واقف بيحرس، حديث للي بعيد قوي عن القرآن زينا، مش مستساغ بسهولة! لازم تبقى مؤمن ده حديث صحيح فاهم؟ انما سيدنا عباد بيحرس الجيش فجه واحد من بعيد وضرب سهم وجه فيه وكان بيصلي فقام مكمل الصلاة!

يعني يعني انا مرة كنت في الحرم وجرادة جت علي طلعت من الصلاة عادي عشان جرادة جت فيا، ليه؟
-حازم- كمل الصلاة لحد ما اغمى عليه..

-أحمد- كمل الصلاة لحد ما سهم تاني جه فيه وبعد كده قال انا خفت بقي على الجيش بقي لحسن يطلع فيه ناس كتيرة جاية وكده فيعني ايه برضه هو فاهم يعني اما جه في واحد رمى حاجة من بعيد خلاص.. انما سيدنا عباس وقال آآ اللي كان بيحرس معاه سيدنا عمار آآ ان انا كنت بقرا سورة ومش عايز اقطعها. الكلام ده.. ده انت حقيقي فاهم الكلام ده ده حقيقي؟! عشان احنا بعيد جدا، انما ده فعلا حال الصحابة مع القرآن.



-حازم- هو الشيطان بيلعب برضه لعبة انه احنا مش فاهمين..

-أحمد- اه هنجيلها دي

-حازم- وان اه

-أحمد- اه يعني هنجيلها للشبهات بتاع الشيطان دي، بس حالنا مع القرآن مش مبني على دي، وحال الصحابة مع القرآن برضو ما كانش مبني على دي.

يعني حال الصحابة كتير بقى وبعدين انا كان بيلفت نظري في الصحابة مش بس التأثر، يعني اللي احنا قلناه ده التأثر

-شريف- العمل بقا

-أحمد- اه التأثر وده واضح من سيدنا ابو بكر لما يقولوا بكاء وما بيعرفش.. السيدة عائشة اصلا تقول له بلاش يصلي عشان ما يعني تخيل الصلاة هتبوظ مش هنعرف نصلي من كتر...

-شريف- الاعجب من ده يعني في قصة سيدنا ابو بكر ان هو آآ ان هو بكاء آآ يعني لا يملك نفسه اذا قرأ



القرآن ان ان كان في قصة اصلا سيدنا ابو بكر وهو في مكة اه لما كان عايز يهاجر وقابله ابن الطغنه وقال له مثلك لا يخرج ومش عارف ايه.. قال له ادخل في جوارى، فدخل فايه قال له بس ايه قريش رافضة ان انت تستعلن بالصلاة، يعني مش هينفع ان انت تصلي في العن والناس تسمع منك

-حازم- سيدنا أبو بكر؟

-شريف- سيدنا أبو بكر، ابن الضغنة وابن الضغينة هو مشرك

-حازم- هم

-شريف- فقال له هتدخل في جوارى.. حديث جميل في البخاري، بس ايه على شرط ان انت لا تستعلن بالصلاة في الحديث بيقول ايه.. ثم بدا لابي بكر ان ايه.. ابنتى في في فناء داره مسجد، يعني عمل زي مصلى كده في فناء الدار..

-حازم- معلى هو ايه علاقة المشرك بان هو يقول لسيدنا ابو بكر ما تصليش؟



-أحمد- ما هم في مكة!

-شريف- هم هو سيدنا أبو بكر

-أحمد- قائل له خش في جوارى يعني انا

-شريف- سيدنا أبو بكر كان مهاجر

-أحمد- معايا..

-حازم- كان في مكة يعني

-شريف- اه اه، كان مهاجر الحبشة

-حازم- ماشي

-شريف- وبعدين الرجل ده وقفه وقال له مثلك لا يُخْرَج

ولا ولا يَخْرُج، وبعدين ايه.. انك لتصل الرحم وتقري

الضيف وقد يعدد صفات، نفس صفات النبي عليه

الصلاة والسلام اللي قالتها السيدة خديجة، وبعدين قال له

ايه تعالى ودخل قال لسيدات قريش لآبو جهل ومش

عارف ايه، قال لهم ايه ابو بكر في حمايتي، بس ايه؟

قالوا له خلاص بشرط ان هو لا يستعلن بالصلاة، لان هم

ايه.. هم اخطر حاجة ان القرآن يوصل للناس. قال: ﴿.. لا

تَسْمَعُوا لِهَذَا الْقُرْآنِ وَالْغَوَا فِيهِ لَعَلَّكُمْ تَعْلَمُونَ﴾ [فصلت]



[٢٦] يعني لغوشوا ﴿وَمِنَ النَّاسِ مَن يَشْتَرِي لَهْوَ الْحَدِيثِ لِيُضِلَّ عَن سَبِيلِ اللَّهِ﴾ [لقمان: ٦] ابن الحارث زي ما حكينا

-حازم- اه

-شريف- ليه؟ علشان القرآن ما يوصلش، شوف بقى اللي حصل ايه.. سيدنا ابو بكر لما ابنتى في فناء الدار عنده عمل مسجد وبدأ يصلي وكان يقرأ ويبكي، يتأثر بالقرآن، شوف حال ده! فكان النساء والاطفال يتقصفون يعني يجوا يطلعوا كده يبصوا ويتجمعوا عشان يسمعوا القراءة بتاعته ويتفرجوا على حاله بس..! تخيل واحد واقف بيصلي بس!

-حازم- نساء مش مسلمين يعني

-شريف- اه! كفار! فقريش فزعت من الموضوع ده ان هيبوظ الناس، يعني هيفسد علينا الناس فعلا. هو ابو بكر عمل ايه؟ واقف بيصلي بيقرأ قرآن بس! وبيعيط! تخيل المشهد ده، قد ايه المشهد ده واحد واقف بيصلي وبيقرأ ده مشهد مفرع بالنسبة لقريش!



-حازم- هم

-شريف- فراحوا لابن الضغينة وقالوا له لا ما ينفعش! يا
اما احنا مش عايزين نخفرك في الجوار بتاعك، يعني ا
مش عايزين نقل منك يعني فتروح تقول له ايه.. لا
يستعلن بالصلاة.

فراح لسيدنا ابو بكر، سيدنا ابو بكر قال: "اني ارد عليك
جوارك وارضى بجوار الله" بس يعني الشاهد من الحديث
ايه؟

-أحمد- التأثر

-شريف- التأثر حتى المشركين مش قادرين

-أحمد- حتى المشركين تأثرهم كثير، يعني انت قلت
القصة بتاعة اللي هو جبير ابن مطعم. لما هو جبير بن
مطعم بيقول انا سمعت اية هو بيقول انا سمعت ليلتها
عن سورة الطور ﴿أَمْ خُلِقُوا مِنْ غَيْرِ شَيْءٍ أَمْ هُمْ
الْخَالِقُونَ﴾ قال "كاد قلبي ان يطير" وحتى اللي انت لسه
قايله برضو لعبة هو لما رجع قالوا له ايه قالوا ايه وشه
متغير، الناس كانت بتتغير اول بس لما تسمع القرآن!



وسجود المشركين قلنا في سورة النجم، انا ما بقولش
المواقف اللي احنا قلناها وخلص بس آآ الكلام مثلا بتاع
الوليد ابن المغيرة عجيب! الوليد المغيرة اللي هو ابو
سيدنا خالد آآ يعني يعني عايز استحضر الكلام قوي..
بس آآ لما قالوا له عايزين نطلع، عايزين نوحده كلمتنا
مش هينفع كل واحد.. واحد يقول شاعر واحد يقول آآ

-شريف- اه الموسم جاي

-أحمد- هنوحده كلامنا عشان كلنا نطلع بحاجة يعني اعلام
مضبوط يعني

فقلهم ده لا شعر ولا كذا وانا اعلم بكم بالكهانة والكلام
ده، فهو كلامه عن القرآن كلام واحد صادق جدا والله!

-شريف- هم

-أحمد- ان له لحلاوة وان عليه لطلاوة و و

-شريف- وان اعلاه لمثمر وانه ليعطو ولا يعلى عليه،
حاجة..

-أحمد- انه لا يعطو ولا يعطو من تحته.

-شريف- حاجة يعني..



-أحمد- الكلام عن القرآن فيه قوة وفيه جمال وفيه لذة وفيه.. كلام عن القرآن ده تأثر مين؟ ده تأثر المشركين وفي السيرة ان هم كانوا يجتمعوا بالليل وما حدش عارف.. يعني ابو جهل ابو جهل وأبو سفيان و وبالليل وهم ويروحوا جنب بيت النبي ﷺ عشان يسمعوا القرآن

-حازم- كل واحد لوحدده مش متجمعين

-أحمد- وفجأة ايه ده انت بتعمل ايه هنا؟؟؟! طب خلاص ما حدش يجي تاني، ده في السيرة كلها اتحككت في كل السير

-حازم- سبحان الله!

-أحمد- يعني ما هو اصل اصل هو هو في الاخر بشر، ومع انه رافض للقرآن، القرآن يحطم ما تحته!

فده تأثر المشركين، وده تأثر الصحابة، والصحابة وصلوا لمراحل التغيير بجد بقي

-شريف- العمل يعني ازاي كان على مستوى العمل الصحابة كانوا..



-حازم- بص انا بس ساهلني في حنة كده سحلتني ان هو
يعني الوليد ابن المغيرة كان آآ مؤمن ان ده كلام ربنا
-أحمد- اه طبعا

-حازم- كويس؟ آآ وما عملش به ولا حاجة، ففي ناس..
انا مش بشاور على حد معين انا بتكلم في العموم بس
الفكرة يعني. انه انه في ناس مسلمين في نفس الحالة
دي.

-شريف- طبعا!

-حازم- عارفين ان هو ده القرآن

-أحمد- بنسب طبعا

-حازم- ايوة..

-أحمد- فاهم قصدك وربنا قال كده: ﴿فَقُتِلَ كَيْفَ قَدَّرَ﴾
الوليد بن المغيرة قعد يفكر احنا عارفين ان ده كلام ربنا
بس هنعمل ايه بقى دلوقتي؟ فربنا بيقول كَيْفَ قَدَّرَ
-حازم- مم

-أحمد- ثُمَّ قُتِلَ بِيَدِي عَلَيْهِ كَيْفَ قَدَّرَ



-حازم- مم

-أحمد- فاستكبر ﴿فَقَالَ إِن هَذَا إِلَّا سِحْرٌ يُؤْتَرُ﴾ انما هو عارف! فطبعا فينا كده طبعا!

-حازم- في حاجة محتاجين انا شايف محتاجين نوزن نفسنا بيها فعلا آآ انتم قاعدين تقولوا الايمان وآآ انت كده لازم تؤمن اكثر ولازم تؤمن ومش عارف ايه، فهو الايمان الدلالة عليه العمل، ان انت.. ان انت تعمل، فاحنا..

-أحمد- عايزين نوصل بس للصورة دي

-شريف- ايه الحلاوة دي؟

-حازم- اه، يعني احنا، ههه، يعني احنا مؤمنين..

-شريف- درست عقيدة..

-حازم- خلينا نقول احنا عارفين ان ان ده كلام ربنا

-أحمد- عندنا ايمان بس هل هو في فرق بين انك عارف وفي فرق بين انك مؤمن؟ يعني صح؟ مش كده؟ يعني انت عارف



-شريف- صح صح

-أحمد- بص النبي عليه الصلاة والسلام بيقول ايه: لن
يؤمن اه لن يؤمن احدكم، دي يعني هو لن يكتمل

-حازم- حلو

-أحمد- فهو احنا عندنا نسبة ايمان كده محتاجة تعلى

-حازم- حلو

-أحمد- محتاجة تدعم بالعمل عشان تعلى

-حازم- مم

-أحمد- ف في مرحلة معينة من الايمان يعني الايمان
يبلى زي ما النبي ﷺ قال، فانا انا انا بحب القرآن بس
مش بالدرجة الكافية

-حازم- ايوة

-أحمد- انا مؤمن بالقرآن بس مش للدرجة دي

-حازم- هي دي النقطة وانت بتقول ان هو آآ وانت بتذكر
الآية بتاعة فيه شفاء وكده، انه فعلا الناس بتشوف ان
هو القرآن ده حاجة من عند ربنا وحاجة جميلة جدا



ومش عارف ايه.. بس هو، يعني اكيد هو مش عملي
لدرجة ان هو فعلا يحل لي مشاكلي

-أحمد- ايوة

-حازم- عارف؟ اللي هو انا انا زعلان اقرا القرآن

-أحمد- ايوة

-حازم- يعم أنا زعلان طيب ماشي ما هو

-أحمد- لما العقل هو اللي يبقى يعني

-حازم- بالظبط كده، ده دليل.. انا مش بقول للناس ان
انتم مش مؤمنين اللي هو انتم انتم عكس الايمان الكفر
مش قصدي كده! انا قصدي انه الايمان مادخلش في
القلب وماخلا هوش وماخلا هوش يترجم لاعمال. لان انت
لو مؤمن فعلا، فعلا هتمسك وانا.. بص كلنا آآ يعني يعني
انا انا مدرك تماما قد ايه انتم حاسين ان انتم مش مش
من حقم اصلا تتكلموا في الحلقة دي

-أحمد- اه والله

-شريف- ده اللي انا كنت بقوله من اول الاسبوع..



-حازم- أنا عارف

-أحمد- بلاش نتكلم في القرآن..

-شريف- استنى عشان انا..

-حازم- بس بس ده الشيطان بقى

-شريف- آآ مش شرط ده الشيطان.. يعني يعني عارف
ايه؟

-حازم- بس يعني احنا نوعين

-أحمد- أنا بدأت الحلقة دي بأن انا عندي ستين سبعين
في المية من المشكلة

-حازم- حلو جدا

-أحمد- بس انت صح دلوقتي

-حازم- تمام

-أحمد- احنا دلوقتي عايزين عايزين نخرج من اللي احنا
فيه كلنا

-حازم- بالظبط! احنا يعني اكيد الاحسن ان احنا نعمل
الحلقة من ان احنا ما نعملهاش، عارف؟



-أحمد- لا لا لا كلامك صح بس الواحد من كتر ما هو
عنده حاسس بمشكلته

-حازم- كويس

-أحمد- وده اللي شريف قاله في الاول، يعني انا بهزر
معك ويقول لك فبالك انا لانه شريف قال لي في الاول في
واحد اا كذا وفي واحد عارف الكلام ده ومشكلته في بذله
مثلا مع القرآن النوع الثالث اللي قاله ده

-حازم- مم

-أحمد- ودي مشكلتي

-حازم- مم

-أحمد- ما هو يعني هنجيلها كمان شوية
-شريف- خلينا بس عشان نبقي ماشيين بالترتيب
-أحمد- شريف النهاردة..

-حازم- بس احتمال ننساها

-شريف- لا لا كله مكتوب ومدروس

-حازم- طيب



-أحمد- احنا اه مش بنطبق بس بنحضر

-شريف- طب انا عايز اتكلم في نقطة بس مهمة، قبل ما قبل ما ننتقل العملي مع لجزئية العمل معلىش قل هو كان تعليق على كلام حازم يعني..

احنا يا جماعة مستوى او اثر القرآن في التغيير مش بس على ال.. يعني قبل ما ننتقل لتفاعل الصحابة العملي مع القرآن في جزئية مهمة أن اثر القرآن مش بس الانفعالات اللي هو واحد مثلا بيبيكي او ان مش بس كده. ان القرآن له اثر على تغيير مفاهيمك

-حازم- هم

-أحمد- ايوه

-شريف- في القرآن ممكن انت بتقرأ مش حاسس باي اثر لكن القرآن بيعمل عمل في قلبك، بيشيل الران الصدى اللي علي قلبك ده، الذنوب، الطبقات. هو بيشيل وانت مش حاسس! بس هو مؤثر في القلب. مؤثر على مستوى التصورات والافكار.



يعني انا انا بحب جدا ايات في سورة الاحقاف وفي سورة
الجن اللي بيتكلم عن الجن

-أحمد- ماشي

-شريف- يعني تفاعل الجن مع القرآن

-أحمد- مم

-شريف- في سورة الاحقاف قال تعالى: ﴿وَإِذْ صَرَفْنَا إِلَيْكَ
نَفَرًا مِّنَ الْجِنِّ يَسْتَمِعُونَ الْقُرْآنَ﴾ الف سلامه عليك

-أحمد- حسن الخاتمة دي ولايه؟

-حازم- مش كورونا ان شاء الله ما تقلقوش

-شريف- ايات سورة الاحقاف ﴿وَإِذْ صَرَفْنَا إِلَيْكَ نَفَرًا مِّنَ
الْجِنِّ يَسْتَمِعُونَ الْقُرْآنَ فَلَمَّا حَضَرُوهُ قَالُوا أَنْصِتُوا...﴾
بداية بداية الايه؟

-حازم- سبحان الله

-شريف- الانتفاع ﴿إِنَّ فِي ذَلِكَ لَذِكْرٍ لِّمَن كَانَ لَهُ قَلْبٌ أَوْ
أَلْقَى السَّمْعَ وَهُوَ شَهِيدٌ﴾ [ق: ٣٧]

-أحمد- أنت بتطلعنا بقى ليه بقى دلوقتي؟



-شريف- معش هي جت كده، ههه

-أحمد- يعني..

-شريف- معش معش خليها في الاخر آآ فقالوا ايه؟ آآ
قالوا أَنْصِتُوا ﴿.. فَلَمَّا حَضَرُوهُ قَالُوا أَنْصِتُوا فَلَمَّا قُضِيَ
وَلَّوْا إِلَى قَوْمِهِمْ مُنْذِرِينَ﴾ [الأحقاف: ٢٩] اتحولوا من
ناس مش عارفين ايه ده..

-حازم- ببشروا

-شريف- للدعاة

-حازم- مم

-شريف- ﴿قَالُوا يَا قَوْمَنَا إِنَّا سَمِعْنَا كِتَابًا أُنزِلَ مِنْ بَعْدِ
مُوسَى مُصَدِّقًا لِمَا بَيْنَ يَدَيْهِ يَهْدِي إِلَى الْحَقِّ وَإِلَى طَرِيقِ
مُسْتَقِيمٍ ﴿٣٠﴾ يَا قَوْمَنَا أَجِيبُوا دَاعِيَ اللَّهِ وَآمِنُوا بِهِ يَغْفِرَ لَكُمْ
مِنْ ذُنُوبِكُمْ وَيُجِرْكُمْ مِنْ عَذَابٍ أَلِيمٍ﴾ [الأحقاف: ٣٠-٣١]
ايه ده! التحول العجيب في ان ان واحد كان في اتجاه
ويبقى في اتجاه تاني خالص

-حازم- مم

-شريف- تحول على مستوى التصورات، الافكار



-حازم- مم

-شريف- يعني انا اتحول ان هو مكنش بيعمل بقى بيعمل.
 ده في الجن. ١١ في سورة الجن قال تعالى: ﴿قُلْ أُوحِيَ إِلَيَّ أَنَّهُ اسْتَمَعَ نَفَرٌ مِّنَ الْجِنِّ فَقَالُوا إِنَّا سَمِعْنَا قُرْآنًا عَجَبًا ①
 يَهْدِي إِلَى الرُّشْدِ..﴾ شوف عرفوه ازاي؟! يَهْدِي إِلَى
 الرُّشْدِ فَأَمَّا بِهِ ۖ وَلَنْ نُشْرِكَ بِرَبِّنَا أَحَدًا ② وَأَنَّهُ تَعَالَى جَدُّ
 رَبِّنَا مَا اتَّخَذَ صَاحِبَةً وَلَا وَلَدًا ③﴾

-أحمد- دي التصورات بقى

-شريف- وانه بدأت الافكار تتبدل

-حازم- مم صح

-شريف- ﴿وَأَنَّهُ كَانَ يَفُولُ سَفِيهًا عَلَى اللَّهِ شَطَطًا ④﴾
 سفيهنا اللي هو مين؟

-حازم- مين؟

-شريف- ابليس [-أحمد- ابليس]

-حازم- ااه



-شريف- يعني هو كان بالنسبة لهم ابليس ده الكبير العظيم، في لحظة، في جلسة سمعوا القرآن من النبي بقى سفيه!

يعني ممكن ان انت تدخل القرآن؟ الدنيا دي عندي كبيرة قوي ونفسي والأنا وعايز اعمل.. تخرج..! على فكره عادي، كان في درس للدكتور احمد.. جميل قوي يعني كان كل مره بقول للناس على درس اسمه النظر الى السماء

-حازم- الناس ممكن تروح تتابعه ونوقف

-شريف- ههه، عادي يعني، ربنا يبارك في الشيخ يعني، اسمه النظر الى السماء درس جميل قوي، يعني انا بصراحه الدرس ده جالي في وقت يعني

-حازم- اسمه ايه بتقول؟

-شريف- النظر الى السماء بس ده جالي في وقت كنت بمر بفتره كده ابتلاءات في حياتي مشاكل فالدرس ده جاي في وقته، يعني بصراحه يعني ربنا نفع..

-أحمد- هو طلع عنده ابتلاءات زينا؟! ههه



-شريف- ابتلاءات الاولياء دي بتبقي حاجات..

-حازم- طيب انت عارف برضو انت هتقول الدرس اه اه

-شريف- أنا مش هقول...

|| لا هو الشيخ بيتكلم على فكره ايه اللي عايز النقطة
اللي انا عايز اتكلم انا انا كل ده برد على جزئيه ان انت
بتقول هو القران ممكن ياثر حياتي او يحل لي مشاكل
ازاي؟ انت ممكن ماتلاقيش حل مشكلتك وده كان كلام
الشيخ يعني انا انا بنقله يعني ممكن ما تلاقيش حل
مشكلتك في الآية دي هنا في في في بالتفصيل كده يا
حازم كلم فلان او اعمل كذا لأ عادي

انت ممكن تدخل تخرج من القيام مثلا بحاجة ان ربنا
سبحانه وتعالى بعقيدة جواك ان الله عز وجل على كل
شيء قدير

-حازم- مم

-شريف- بس خلاص

-أحمد- ايوة انا فاكر مرة الشيخ حكى لنا..



-شريف- يعني ان مثلا ان انت ممكن تدخل مثلا تقرا سورة هود تلاقي كده ايه في في في مشاكل كبيرة يعني في يعني مثل سيدنا يونس في بطن الحوت وبيدعي -أحمد- هقولك على حاجه...

-شريف- اه يعني خليني أقول الحته دي وبعد أنت خد.. انت براحتك. فتلاقي بقى ايه مشاكل كبيرة..
-حازم- اسف على الكحة دي

-شريف- لا عادي ولا يهكم. تلاقي مشاكل كبيرة وتلاقي حلول ربنا بيحل كده عادي كن فيكون خلاص ده ده مفيش اسباب للرزق سيدنا زكريا وبعدين بيقول يا رب أَنَّى؟ ﴿قَالَ كَذَلِكَ قَالَ رَبُّكَ هُوَ عَلَيَّ هَيِّنٌ...﴾ فتخرج من ده انت حاسس ان انت

-حازم- قوي

-شريف- هو انا هو انا مشكلتي اصلا على فكرة مشكلتي أصلا تافهة جدا
-حازم- بالظبط



-شريف- في قدرة ربنا المشكلة دي ولا حاجة فتخرج بالحتة دي اللي تحل لك مشكلتك. كمل بقى قول.

-أحمد- خلاص اكمل؟ لا انا كنت اه اه لما لما لما

-شريف- يادي النيلة يقولك الصليبي..

-حازم- بقى لنا كتير ما اتكلمناش في الموضوع..

-شريف- الكابتن محمد أبو مسلم

-حازم- الكابتن أحمد أبو مسلم

-أحمد- شوف انا لما انا كنت كنت حالتى النفسية مش حلوه فانا قلت ايه انا الحمد لله بقول لك (level

مستوى) الايمان ده ممكن اروح للقران، اقرأ القرآن، ماشي؟ فانا بفتح بقى المصحف وعمال اقرأ. فانا مستني

بقى مثلاً ايه مثلاً؟ يعني يعني عايز عايز ايات ليها علاقة بحالتي.. انا بقرا ايه عن المشركين والاسلام

والتوحيد والجنة فين الصليبي. فين الحوار؟ فين انا؟ مش أنا شايف الصليبي، فين الحتة بتاعتي؟ لحد ما لقيت

نفسى بقى مش بقى تقول آآ يعني لقيت الحل لا اكتشفت



انه هو القرآن بيقول لي ايه انت اصلا التصورات اللي
عندك الافكار اللي عندك دي اصلا اه اه

احنا بنتكلم في في عبودية وفي الهدف من الحياة وكده
حسيت ان انا مش رايع عشان اعالج مصيبتني، انا رايع
عشان اعالج اصلا انت بتفكر ليه في ده؟ انت ليه صغرت
حياتك وهدفك؟ لايه؟

-حازم- صح

-شريف- باشا يعني اا اضيف حته كمان. يعني انا حصل
برضو معي موقف قبل كده.. اآ تعليقا على كلام عامر
يعني. كان كان موقف فيه خوف شوية يعني، يعني كنت
كنت خايف من حاجة معينة، فعملت حاجة اسمها ورد
الخوف. يعني حاولت اجمع الايات. لا مش انا مش لا لا
لا مش اوراد مش اوراد يا جماعة دي يعني اللي هو لا لا
مش دي مش دي.

حاولت اجمع اه الايات اللي بتتكلم عن الخوف، يعني
يخوف اا يخاف مش عارف ايه؟ فجمعت ايات كتير كده
في (note مفكرة) وبعدين قعدت اقرأها واتدبرها



-أحمد- اه

-شريف- آآ والله العظيم بجد صدقا يعني، يعني آآ انا حسيت ان انا آآ خلاص، يعني تيجي مثلا اية ﴿إِنَّمَا ذَلِكُمُ الشَّيْطَانُ يُخَوِّفُ أَوْلِيَاءَهُ فَلَا تَخَافُوهُمْ وَخَافُونَ...﴾ [آل عمران: ١٧٥]

-حازم- هي دي مش المفروض ماتفاجئش يعني عادي، هو ده اللي المفروض يحصل.

-شريف- هو احيانا انت بتبقى انت عارف المعلومة ده اللي انا اكتشفته

-حازم- أنا قصدي المفروض المفروض ماتفاجئش من ان انت ما تبقاش يعني انت اكيد هتطلع مش خايف -شريف- ايوة بس بس أنت

-أحمد- لو لو رحت للقرآن صح عشان يحل..

-شريف- هي دي النقطة

-أحمد- هيحل المشكلة.. طبعا



-شريف- انا انا على فكرة الاية كنت عارفها، يعني إنما
ذِكْمُ الشَّيْطَانُ يُخَوِّفُ انا كنت عارفها، بس كنت محتاج
اسمها في الوقت ده

-حازم- ايوة وبالعقلية دي..

-شريف- يعني أنا انا خايف.

-حازم- ايوة

-شريف- فانا محتاج اسمع الحاجة تأمني دلوقتي.

-حازم- ايوة

-شريف- ودي النفسية اللي انت تدخل بيها القرآن واحد
داخل طلب.. طالب الهداية. عايز اية. عايز اا حاجة
تريحه، مش مش تريحه اللي هو ايه الجو بقى اطبطب
عليك والكلام ده، لأ! يعني انا انا عندي قلق من الرزق
مثلا خوف من الرزق، فداخل بنفسية الخايف القلقان
فتلاقي ايات ﴿وَفِي السَّمَاءِ رِزْقُكُمْ وَمَا تُوَعَّدُونَ﴾
[الذاريات: ٢٢] تنزل الاية عليا، انا محتاجها دلوقتي!

وده بالمناسبة كان حال الصحابة! ان القرآن كان بينزل
في واقع متحرك



-أحمد- مَا نُثَبِّتُ بِهِ فُؤَادَكَ

-شريف- اه ﴿وَكُلًّا نَّقُصُّ عَلَيْكَ مِنْ أَنْبَاءِ الرُّسُلِ مَا نُثَبِّتُ بِهِ فُؤَادَكَ...﴾ [هود: ١٢٠] يعني القرآن.. الناس ماشيين فتنزل اية في الوقت ده حصل مشكلة، مستنيين بقى ايه؟
السورة تنزل الاية تنزل

-أحمد- فدي بس اجابات اجابة برضو أخص اللي شريف
قاله عشان الجزئية بتاعة انا انا جربت ومش حاسس
او انا مش بتغير اا لو لو افترضنا انو الشخص بيعمل
اللي المفروض يتعمل فهو هنا هي اللي
(Expectations التوقعات) هي الي غلط ان هو
القرآن بيعمل ايه؟

-حازم- حلو

-أحمد- يعني كله متخيل انا هقرا دلوقتي فزي مثلا ايه
الحل اهو.. كلم فلان او انا هعرف اعيط حالا، او انا هقرا
فهحس بنعشة كده في حاجة هتتغير جوايا، يعني يا اما
عايز نتيجة لحظية يا إما عايز النتيجة واضحة، القرآن
مش كده بقى. في حين انه نفس يعني زي ما شريف اولاً



انت ممكن المعلومة تبقى عندك فحصل مثلا ان هي ايه الايات النهاردة ثبتت المعلومة، وده هيفرق قدام في حته معينه. الافكار كانت غلط بقت صح. اه. في في ممكن ممكن تأثر بس بس تأثر لدرجة معينة، ممكن تأثر للتغيير على فكرة! يعني اللي هو انت بتقرا كده من غير اي عطل من غير حاجة تلاقي نفسك ايه ايوة صح الكلام ده، بس من غير.. مش لازم يحصل جوايا.. وممكن يحصل ده في مرة، فلازم الواحد بس يفهم هو القرآن بيشتغل ازاي..!؟!

هو ان لما تسمع تشوف هو الصحابة في منهم هيقرا القرآن في مرة هيعيط، في جن هيتغير، في واحد هيقوم يعمل دعوة، يعني في الجن في اول مرة تصوراته اتغيرت كلامهم اتغير بعد كده اعمالهم اتغيرت. في صحابة القصص بتاعة التغيير العملي

-شريف- طب اضرب مثال مثلا قصة وفاة النبي عليه الصلاة والسلام سيدنا ابو بك..

-أحمد- ااه مثلا! صح!



-شريف- يعني الآية دي لو مش موجودة دلوقتي الصحابة كان المجتمع المسلم كان هيبقى عامل ازاي؟!!

-أحمد- فيه اية بالظبط كده وهيستحضرها بعد مثلا سنين هتيجي في باله في موقف

-حازم- ايه هي؟

-أحمد- لما سيدنا ابو بكر..

-شريف- سيدنا عمر، سيدنا عمر لما لما النبي عليه

الصلاة والسلام مات ﷺ قال: "والله ما مات رسول"

جلس ليكلم ربه من قائلًا، وده يقول للناس ان قد نافقوا

يا ابا بكر وسيدنا عمر، سيدنا عمر! اللي هو جبل الايمان

وما تحملش ده! رضي الله عنه. والصحابة ناس من

الصحابة تبكي ومش عارف ايه سيدنا ابو بكر انتزع اية

انتزع اية من القران. قال: ﴿وَمَا مُحَمَّدٌ إِلَّا رَسُولٌ قَدْ خَلَتْ

مِنْ قَبْلِهِ الرُّسُلُ أَفَإِنْ مَاتَ أَوْ قُتِلَ انْقَلَبْتُمْ عَلَىٰ أَعْقَابِكُمْ

وَمَنْ يَنْقَلِبْ عَلَىٰ عَقْبَيْهِ فَلَن يَضُرَّ اللَّهَ شَيْئًا﴾



فـ فالناس الراوي الحديث يقول ان الناس بدأت تلهج
بالاية طول ما هم ماشيين ايه يرددوا الاية كأن هم أول
مرة يسمعوها!

-حازم- اكيد، سبحان الله.

-شريف- طب الاية دي لو مش موجودة المجتمع هيبقى
عامل ازاي؟!

-أحمد- طب الاية دي الصحابة دول نفسهم عارفينها
وحافظينها، بس هنا القرآن..

-شريف- الانتزاع..

-أحمد- دوره بالطريقة دي وده بيحصل لنا انا دخلت
اصلي فسمعت اية ربطتها بموقف. فلازم الواحد يفهم انه
ال (Mechanism طريقة) بتاعة التغيير بتاعة القرآن
مش زي مش واحد زائد واحد يساوي اتنين هتخط حاجة
هتطلع هتفتأ، لا مش كده!

-حازم- مش كتاب تنمية بشريه

-أحمد- اه! وللأسف لما تبقى رابطها اوي بالتأثر بتاع
البكاء



-حازم- حلو

-أحمد- فكل هدفي من رمضان ان انا اعيط في الصلاة..

لا مش لازم هو هو مش هدف اصلا!

-شريف- هو موقف الصحابة ده ده مش تغير ده مش
تأثر.

-أحمد- ده مش هدف!

-شريف- يعني موقف مثلا سيدنا عمر..

-حازم- ثواني، أنت عارف..

-أحمد- كنت بتكلم عني..

-حازم- لا لا حلو

-أحمد- دي نقطة عني ما هو انا ما هو انا ما هو في حد

معلش، عشان بس اكملها، لما بعيط في الصلاة ليه

بتبسط؟ عشان فاكر ان انا حققت الهدف من التعامل مع

القرآن. يا عم والله مش ده! ما انا لما اخرج من المسجد

اخبار غض البصر ايه؟ ف ده

-شريف- مش بس يعني ده



-أحمد- فده.. ما هو اصل ده بالنسبة لنا الهدف الاكبر

-حازم- أنت عارف..

-أحمد- التاثر والبكاء..

-حازم- واحنا في السنة دي في رمضان فكان انا كان

عندي نفس المشكلة دي وكان الناس كلها بتعيط..

-شريف- نفسي اعيط

-حازم- وبعدين وانا وبعدين جت في آآ الاية اللي هي ايه

آآ الاية اللي بتقول ايه اا حد بس يفكرني بيها اللي هي

تقشعر اا الاية ثم ت..

-أحمد- مَّثَانِي تَقْشَعِرُّ

-شريف- ﴿... تَقْشَعِرُّ مِنْهُ جُلُودُ الَّذِينَ يَخْشَوْنَ رَبَّهُمْ ثُمَّ

تَلَيْنُ جُلُودَهُمْ وَقُلُوبُهُمْ إِلَىٰ ذِكْرِ اللَّهِ﴾

-حازم- حلو اوي، الايه دي اا

-شريف- لذكر الله

-أحمد- في حد يكتب الايه دلوقتي

-حازم- كويس عادي يا عم الناس حافظة



-شريف- دي حاجة كويسة انا لما بقول حاجة غلط
وبلاقي الناس اا

-أحمد- أنا بقول حاجة بتحصل ما بقولش انها حاجة
وحشه

-حازم- ايوة يعني..

-شريف- لا لا انت بتقول ان هي حاجة وحشه، ههه،
تمام ارجع بقى ارجع بقى للفيديو..

-حازم- هو العياط حاجة حاجة جهرية فبيبان، كويس.
دي ما دي ما بتباتش..

-أحمد- قصدك تشقعر جلودهم

-حازم- بالظبط

-أحمد- اه فاهم قصدك

-حازم- فدي ممكن تحصل لك

-شريف- انما على القلب

-حازم- اه والقرآن بيقول ان ان انت كده وصفك مؤمن

-أحمد- اه



-حازم- ان انت كده... صح؟

-أحمد- اه طبعا

-حازم- اللي هو قلوب الذين امنوا يعني انت كده مؤمن

-أحمد- اه

-حازم- فانت كده يعني لو انت بتدور على على الاثار

اللي ربنا قايل ان هي من الاثار الايجابية فده كلام كويس

-أحمد- بص بص ﴿.. يَسْتَمِعُونَ الْقَوْلَ فَيَتَّبِعُونَ أَحْسَنَهُ..﴾

[الزمر: ١٨] طب ما دام ده من الاثار، فين؟

-حازم- انا برضو البحث عن البكاء هي فكرة ان انا مش

فارق معي قوي اما ابقى قدام الناس انا فارق معاي اني

لما ابقى لوحدي. ده بيخليني احس انه آآ لسة

شوية، عارف؟ لان انا حاسس..

-أحمد- مش عارف، ممكن والله، بس والله اهم حاجة

يعني معلى الهدف من التعاون مع القرآن مش البكاء

-حازم- حلو جدا

-أحمد- ولا التأثير اللحظي



-حازم- جميل

-أحمد- ولا التغيير الفوري. يعني هو القرآن بيعمل ده وبيعمل ده وبيعمل ده، فلازم.. وده اصلا ده معلىش في حالة ان انا اتعاملت معه صح معاه

-حازم- صح

-أحمد- عشان بس يقول لك انا مش حاسس طب انت الاول بتعمل ايه..؟ ده موضوعي

-حازم- ماشي

-أحمد- انما يعني مثلا ان انا ان واحد يقرا قرآن فيبكي مثلا دمتين وخلص، ولا مثلا سيدنا عمر مثلا، سيدنا عمر لما وهو هيتعصب على واحد فجاله واحد من الصحابة فقام قائل له ايه؟ **﴿خُذِ الْعَفْوَ وَأْمُرْ بِالْعُرْفِ وَأَعْرِضْ عَنِ الْجَاهِلِينَ﴾** [الأعراف: ١٩٩] فقال له خلاص صح فكرتني بالاية فخلص، يعني، سبحان الله ده ده ايه ده! انا امتى حد يقول لي اية

-شريف- أحكي الموقف ده معلىش

-أحمد- فاتحرك في لحظتها



-حازم- هم

-أحمد- اصل مواقف كثير قوي بصراحة

-شريف- لا معلى الموقف ده

-أحمد- لا المواقف كثير. موقف سيدنا ابو الدحداح، طب

ده ايه؟؟! ده واحد

-شريف- هي الآية بس إِلَى ذِكْرِ اللَّهِ عشان..

-أحمد- ههه، عشان الكومنت

-شريف- عشان الكومنت بس

-أحمد- اه اه لما سمع ﴿لَنْ تَنَالُوا الْبِرَّ حَتَّى تُنْفِقُوا مِمَّا

تُحِبُّونَ...﴾ [آل عمران: ٩٢] فراح البستان وقال لمراته

وخلص سيبى انا تصدقت بيه وانا طب ما هو ده واحد

بيخش الجنة بسبب اللي حصل ده، ده عشان كده تعاملنا

مع القرآن انت عايز منه ايه؟ هو هو هو يعني فيه لذة

عارف فيه متاع فكري ايوا فيه واحد عايز من القرآن

المتاع الفكري وده وده تحذير شديد من من اللي

ما عندهم علم زينا

-شريف- يعني ايه متاع فكري؟



-أحمد- يعني يسمع نسمع دروس الشيخ احمد عبدالمنعم فتبقى عاجبني اللقطه والرابطة وان هو وصل الايات ببعض وان هو طلق وبس! انا كل همي ان دماغي تتلذذ

-حازم- صح

-أحمد- بانه..

-شريف- ما فيش بقى على مستوى العملي

-أحمد- بس! كل الهدف بص قرابة اول سورة باخرها، بص السورة ايه علاقتها..

-حازم- ومش عارف ايه والكواكب وبتاع وناسا وصلت لايه. ايوة.

-أحمد- المتاع الفكري ده بس خطر كبير

-حازم- ايوة

-أحمد- يعني انا فاكّر الشاحن نفسه كان بيقول صحتي هو لو انت بس بتسمع الدروس يبقى انت كده ماعملتش حاجة عن القرآن انت بتسمع الدروس عشان تفك لك عشان تروح للقرآن وتشوف هيعمل بقى معك ايه. ففكرة التلذذ والتاثر بس البكاء..



-حازم- رايح جاي عليه

-أحمد- اه

-حازم- عشان ترجع له. بتروح له عشان تعرف ترجع له

-أحمد- ايوا

-حازم- اوكيه

-أحمد- ايوا

-حازم- هم

-أحمد- فانا فانا يعني لازم نفهم بس دي. وبعد كده

نشوف طب نعملها ازاي. بس لو يعني بعد ما وضحنا ايه

هو القرآن، او نقعد نسأل نفسنا ايه هو القرآن، ونشوف

الناس اتعمل فيها ايه وبعد كده نفهم القرآن بيشتغل في

نفوسنا.. التزكية بتحصل ازاي؟ ممكن نكمل. عايز بقى

تحكي موقف احكي

-شريف- انا بس عشان هضرب ثلاث امثلة ان شاء الله

تمام

-حازم- كثير قوي



-أحمد- آآ كل واحد فينا واحد

-شريف- ثلاث امثلة يعني تفاعل الصحابة على مستوى العمل

-أحمد- عندي انا عندي واحد

-شريف- اه اول اول حاجة القصة اللي عامر حكاها اللي هي طبعا

-أحمد- قول غيرها بقي

-شريف- باشا مهندس احمد

-حازم- الشيخ احمد

-شريف- حفظه الله اا ان النبي عليه الصلاة او في قصة سيدنا قصة سيدنا عمر الاول يعني، سيدنا عمر في عهد عمر رضي الله عنه جه عيينة بن حصن من الحر ابن قيس. الحر ابن قيس اللي هو ابن اخوه يعني. فقال له آآ قال يا ابن اخي لك وجه عند هذا الامير فاستأذن لي عليه قال له يعني ايه انت آآ دخلني على الايه.. كان الحر بن قيس فيه نوع شدة شوية يعني اا واقصد يعني عيينه بن حصن يعني استغفر الله. فالمهم فدخل على، استأذن



استأذن حر سيدنا عمر لعيينة بن حصن فدخل عليه فقال
"هي ابن الخطاب فوالله" هي يعني كلمه تقال للزجر يعني
-حازم- هم

-شريف- "فانك.." تعطينا الجزل او "ما تعطينا الجزل
ولا تحكم بيننا بالعدل" فسيدنا يعني تخيل واحد داخل
يقول لسيدنا عمر انت انت بتمنع عنا الحقوق وبتظلمنا،
سيدنا عمر يعني، تمام؟ فغضب عمر وهم به

فقال الحر بن قيس قال: "يا امير المؤمنين ان الله عز
وجل قال في كتابه لنبيه ﷺ: اخذ العفو وأمر بالعرف
وأعرض عن الجاهلين" وان هذا من الجاهليين فقال له
ده يا عم ده ده آآ ده من الجاهلين قال ابن عباس الراوي
قال: "فوالله ما جاوزها عمر حين تلاها عليه، وكان وقافا
عند كتاب الله" هي دي دي الفائدة

-حازم- يعني الموضوع خلص، يعني اللي هو

-أحمد- كان وقافا

-شريف- كان وقافا عند كتاب الله، احنا كثير مننا ممكن
تقول له ربنا بيقول كذا وولا كأنه سمع حاجة



-حازم- سبحان الله

-شريف- تقول حرام ربنا بيقول كذا ولا كأنه سمع حاجة

-حازم- الحجاب

-شريف- وقافا

-حازم- مش برخم والله علي البنات وبتاع بس من ضمن الحاجات الكبيرة جدا

-شريف- ده الامتثال شوف على مستوى التضحيات في حديث آآ ابو طلحة

-أحمد- في مساله عندي أقول

-شريف- حديث حديث آآ لما انزل الله عز وجل ﴿لَنْ تَنَالُوا الْبِرَّ حَتَّى تُنْفِقُوا مِمَّا تُحِبُّونَ﴾ كان آآ ابو طلحة الانصاري بيقول النبي عليه الصلاة والسلام: "يا رسول الله اني من اكثر الانصار مالا وان لي البئر.." ال هي (بيروحاء) دي دي " .. من احب اموالي الي " فيتصدق بها في سبيل الله فالنبي عليه الصلاة والسلام قال: «بخن بخن! ذلك مال رابح»



-حازم- سبحان الله

-شريف- حاجة حاجة كبيرة جدا. وهو رايح يقول للنبي ايه ان الله عز وجل يقول ﴿لَنْ تَنَالُوا الْبِرَّ حَتَّى تُنْفِقُوا مِمَّا تُحِبُّونَ﴾ انا عايز انفذ الايه دي. خد بالك برضو في كثير من الصحابة سمعوا الايه في كثير من الصحابة سمعوا الآية لكن مستوى الانفعال كان عند سيدنا ابو طلحة مختلف. هو قال انا عايز ابقى من اهل الايه دي. اطبق الايه دي. والمال هتصدق اه بيه في سبيل الله.

-أحمد- انا مره الايه دي قلت ايه طب ماشي انا عايز اعمل كده انا هروح اه هروح اطلع تيشيرت من عندي بس التيشيرت حلوة طبعا

-حازم- نوعها ايه؟

-أحمد- ما انا قلت هطلع بقى تيشيرت حلوة، اصبر بقى!

-حازم- ماشي

-أحمد- ما انا لا ما كانش فيه تيشيرت معينه فطلعت قلت ايه دي حلوة اوي.. طب في الاخر بقى ايه بقيت حاطط مثلا عشرة هما عاجبيني وانا طب اطلع مين فيها بدأت



بقي عارف انت الميم اللي هو بتاع نور الشريف طب
أطلع مين طب.. مش ممكن يعني يعني لأ

-شريف- صعبة، على فكرة صعبة جدا، صعبة جدا.

-أحمد- صعبة، ما هو جو بقي ماما التيشيرت دي مش
عايزها وصغرت ويلا

-شريف- وَلَا تَيَمَّمُوا الْخَبِيثَ

-أحمد- ما أنا كده كده عايز أرميها

-شريف- يعني اكثر حاجة عندك هي بايظة وعايز تخلص
منها فبطلعها لكن الصعب ان انت بتطلع.. يعني احيانا
الواحد بيبقى مش عايز يقول الكلام ده اصلا لان انت
بيبقى على مستوى التنفيذ صعب. سيدنا ابو بكر لما لما
لما مسطح ابن اثائه تكلم في في عائشة رضي الله عنها

-أحمد- ده (level مستوى) التين ده

-شريف- ده ده يعني هو مستوى من الامتثال للقرآن
عجيب

-أحمد- ما حصلش



-حازم- اللي هو ايه؟

-شريف- لما مسطح ابن ائاته

-أحمد- مسطح، مش لسه حاكين القصة؟؟

-شريف- القصة تكلم في عائشة مسطح كان ابو بكر كان بينفق عليه لقرابته ولفقره، فتكلم في عائشه مع اهل الافك، فسيدينا ابو بكر قال: "والله لا أنفق على مسطح بعد اليوم بعد الذي قال لعائشه ما قال". بقي يتكلم على بنتي ويتهمها بكذا.. مش هصرف عليك!

-أحمد- ده اقل حاجة اقسم بالله

-شريف- اقل حاجة اقل حاجة تخيل ان انت يعني يعني سيدنا ابو بكر قال انا همنع عنه بس العطاء يعني مش هعمل له حاجة بس همنع عنه العطاء. فنزل آآ نزل قول الله سبحانه وتعالى: ﴿وَلَا يَأْتَلِ أُولُو الْفَضْلِ مِنْكُمْ وَالسَّعَةِ أَنْ يُؤْتُوا أُولِي الْقُرْبَىٰ وَالْمَسَاكِينَ وَالْمُهَاجِرِينَ فِي سَبِيلِ اللَّهِ وَلْيَعْفُوا وَلْيَصْفَحُوا ۗ أَلَا تُحِبُّونَ أَنْ يَغْفِرَ اللَّهُ لَكُمْ ۗ﴾

-حازم- سبحان الله

فقال ابو بكر: "بلى"



-حازم- سبحان الله

-شريف- "واحب ان يغفر الله لي" فخلاص واعاد الى
مصلح النفس، فده ده

-أحمد- ده والناس اللي بتتكلم كمان في آآ في تحريم
الخمير انه تحريم الخمير كان تدرج وكان ماشي هو كان
تدرج بس لحظة تحريم الخمير هي ما كانتش برضو تدرج
هي كانت هي كانت على الصحابة فجأة
-حازم- اه هي لازم كانت تبقى..

-أحمد- هي على الصحابة فهل أنتم منتهون؟ والصحابة
بيقول احنا ان كان في ناس بتشرب..

-شريف- هي جت بالتدرج بس لحظة التحليل
-حازم- لحظة..

-شريف- لحظة الامتثال كانت كله خلاص آآ اقلب البتاع
ده

-أحمد- فسبحان الله الصحابة كانوا مع القرآن آآ حالهم
يعني عجيب! بس ده في الاخر يخلينا نقول انه التغيير



بالقرآن له صور كثير وفيه حاجة short term قصيرة المدى) وفيه حاجة long term طويلة المدى) وفي حاجة هتخبطك فجأة وفي حاجة هتوقفك في لحظة وفي حاجة هتسمعها هتاخذ قرار مع انك سمعتها كثير بس المرة دي.. وفي ممكن يبقى افكار من الشيطان عن اليأس ايات تيجي تهديك، وفي ممكن يبقى حاجات عن التوكل. لازم نبقي فاهمين.. واللاسف فكرة ان القرآن ان هي كن فيكون مش كده ما هو الصحابة نفسهم حالهم ما انصلحش في لحظة، يعني هو يعني هو لبث مع القرآن من اول ما القرآن نزل وهو بيتربي بالقرآن بس! وبيتربي صح. وفضل كده كثير وما تغيرش برضو في يوم وليلة! فلازم ان احنا نفهم فاهم السنة ايه

-حازم- ايوة

-أحمد- بس

-حازم- طب وانت انت عندك كان عندك مثال برضو؟ لا خلاص بقى عشان..

-حازم- طيب ماشي حلو



-شريف- احنا عايزين ندخل بقى في اا

-حازم- عايز اسأل حاجة. اا

-شريف- في الحلقة بقى

-حازم- اه في الحلقة، فعلا عايزين نبتدي.. بقالنا ساعه

-أحمد- يعني الناس اتعودت على الساعة ونص

-حازم- طيب انا دلوقتي هنزل رجلي عشان ما ينفعش

نكون بنتكلم عن القرآن والواحد قاعد كده، ااا

-أحمد- انت بقى لك ساعة

-حازم- لا لسة دلوقتي.. آ طيب دلوقتي انا عايز اعرف

ايه الآثار ايه الآثار المفروض تبان عليا آ عشان اكون

انا شخص آ بعمل بالقرآن. يعني هل مثلا المفروض ان

انا احفظه؟ ولا اتعلم تجويد؟ ولا ان انا اقراه كل يوم؟

وايه ايه اللي المفروض.. ايه اللي المفروض يحصل

عشان ابقى انا بتاع القرآن..؟ عارف يعني اعمل مثلا

واطلع SoundCloud channel قناة على الساوند

كلاوند) اقرا قرآن بصوتي ولا آ بتكلم بجد



-شريف- رزقتني الله صوتا حسنا ولكن لا احد يدعمني..
بجد حاجة صعبة اوي

-حازم- بلوك

-شريف- بلوك على طول

-حازم- ... ومش عارف ايه. واخذ بالك! فاا عايز اعرف
ده اللي هو المفروض ان انا فعلا يعني يعني ايه؟ يعني

-أحمد- اعمل ايه؟

-حازم- يعني ايه ان شخص يبقى..

-شريف- عنده حال مع القرآن

-حازم- عايش مع القرآن

-شريف- ماشي

-حازم- فاهم؟

-أحمد- والله ربنا يا رب يارب يعني نعرف نعمل يعني

-حازم- طيب. يعني اسأل مين؟

-شريف- اسأل عامر



-أحمد- ... ههه، طب هو احنا بنقول نصايح عملية يعني واقعية شوية اول حاجه موضوع تعلم التجويد. اللي ما بيعرفش يقرأ التجويد محتاج يتعلم تجويد؛ لانه احنا دلوقتي عايزين نقول عايزين نوصل لمرحلة السورة اللي هي الهدف السامي ده بتاع انه بيقرأ قرآن ويتأثر ويعيط ويتغير ويتشحن ويسمع الكلام ويعمل عايزين نوصل للصورة دي تمام؟

-حازم- حلو

-أحمد- بس احنا اصلا يعني ايه.. في في ادوات

-حازم- حلو

-أحمد- بس انا.. ماشي لو هنقول الادوات ماشي بس كان نفسي بصراحة اقول حاجة مهمة الاول

-حازم- قول طيب عادي

-أحمد- انه دي من الحاجات اللي انا فهمتها متأخر قوي.. ان القران لو انت قلت لي المفروض اعمل ايه؟ خلاص؟ مش مش عادي ان انا اعمله بمعنى: القرآن طلع محتاج ان انا ابذل مجهود معه. يعني انا لو قلت واحد دلوقتي



بص هتسمع ده وتقرأ ده وتعمل ده وده اه انت ممكن
تبقاش قادر تعمل ده في الاخر والقران محتاج بذل. يعني
انا انا دي ما كنتش فاهمها زمان. كنت فاكر حلو فانا
هروح له فهتبسط وانت لو قلت لي اعمل ايه انا اعرف
اعمله. كان في تصور خاطئ عن انه لو انا عايز القرآن
انا ممكن اروح له

-حازم- همم

-أحمد- اه ودول نقطتين في بعض، بس هما دول دول
اكبر مشاكلي مع القرآن: انه القرآن محتاج لازم تفهم
لازم نفهم انه كلام ربنا. طب هل كلام ربنا الطبيعي انه ما
يتفهمش ومايأثرش؟ بالعكس! طيب ليه ما بيعملش معايا
كده؟ عشان ده لازم اذن ده لازم يفتح لي، لازم ربنا يرى
واحد بيتدل وبينكسر كده

-حازم- ويحاول

-أحمد- ويفتقر

-حازم- مم

-أحمد- وطبعا بيبدل عشان يسمحله



-حازم- حلو جدًا

-أحمد- عشان يقول له طب النهاردة خد حته من الاية دي

-حازم- اظن ان كلنا فاهمين ده كويس جدا وكلنا حاسين بيه

-أحمد- الصراحة انا كنت فاكرا انه ايه.. ان كان انا على، فاهمين قصدي؟

-شريف- خرينا نعبّر بالكتاب ان هو وَإِنَّهُ لَكِتَابٌ عَزِيزٌ

-أحمد- أنا لو عايز أتمكن منه هتمكن منه وأنا اللي مش عايز

-شريف- الفكرة يا عامر في حته انه كتاب عزيز

-أحمد- ماهي دي الايه اللي هرجع لها

-حازم- انا عايزك ت stress (تركز) على النقطة دي

عشان انا فهمتك جدا، انا انا فاهم

-أحمد- أنا كنت فاكرا كده انه لو قولي ال Equation

(معادلة) وانا لو عايز انا انا هعمل انا هروح للقرآن



-حازم- ان القران ده معمول ليه

-أحمد- القرآن مش بتروحله القرآن ربنا بيفتح لك عشان
يجي لك وهي دي الاية اللي انا هاقف عليها

-شريف- هو توازنه...

-أحمد- وَإِنَّهُ لَكِتَابٌ عَزِيزٌ

-شريف- ربنا قال: ﴿وَلَقَدْ يَسَّرْنَا الْقُرْآنَ لِلذِّكْرِ فَهَلْ مِنْ
مُدَّكِرٍ﴾ وان القرآن كتاب عزيز، فمش انا دلوقتي على
حسب اللي انا عايز اخده من القرآن انا عايز حال وعايز
اقرب وعايز افهم وعايز اعمل وعايزه يغير فيا ماينفesch
ادخل بنفسية المستغني، نفسية المستكبر، في موانع
للتدبير، موانع الهداية: ان انا ابقي شايف ان انا مستغني
مثلا او داخل كده.. مش مدي له اهتمام، لا هو محتاج ان
ده كتاب عزيز محتاج ان تجمع عليه قلبك

-أحمد- يعني ايه يا حازم؟ يعني لو انا مثلا انت قلت لي
بص القرآن محتاج الحثة بتاعة آآ فلَمَّا حَضَرُوهُ قَالُوا
أَنْصِتُوا ان انت لازم تبقي في حضور قلب وفي انصات
مش سماع.. طيب ماشي قمت انا ماسكه ومش عامل كده



-حازم- ممم

-أحمد- كأنه لا لا انا يعني ايه كأنه الموضوع مش محتاج ده مش في كده حته مش كبر بس ما فيش تذل صحت افتقار صحت. يعني من الحاجات اللي كان بيقلها من الناس اللي اتكلموا كتير في القرآن دكتور مجدي الهلالي فكان بيقل قبل ماتقرا الورد قبل ما تقرا تعمل ايه..؟

-شريف- تتوضأ

-أحمد- تدعي، لا طبعا بيتكلم في شوية حاجات بس منها ايه؟ بتقول له يا رب انا دلوقتي لو سمحت يعني اذن لي ان القرآن ان انا افهمه..

-حازم- سبحان الله

-أحمد- ان انا.. فاهم؟ الليفل ده ليفل واحد في انه المفتاح مش معاك

-حازم- جميلة جدا الحته دي

-أحمد- فده مش بس جميلة انا شايفها دي البريكر! لو اتعاملت مع القرآن كده، مع كلام ربنا كده، ما كل ما تفصل ان هو لما كل ما تتخيل ان ده كتاب حاجة ولما



تتكلم ده كلام ربنا! التعظيم للمتكلم دي عميقة جدا! يا رب
ممكن تخليني افهم الكلام اللي انت قلته!

-حازم- سبحان الله

-أحمد- ده اللي انا ده كان احد الموانع الشديدة عندي، ان
|| في غيرها زي مثلا ان انا ابقى داخل عشان ابحت
عن الحق، اظن احنا ان شاء الله في المرحلة دي، بس
التذلل والافتقار ماكنش عندي.

النقطة اللي بعديها فكرة فهم ان القرآن محتاج شوط
طويل الاستمرارية! يعني اللي هيزهق عشان انا مثلا
عملت ختمة وما حصلش حاجة ده مش فاهم حاجة.

-حازم- عشان ما فيش اصلا اه انت جو اند جولد end
goal هدف نهائي) ما فيش هدف نهائي من القرآن

-أحمد- ماشي صح بس حتى فكرة انا عايز اشوف
النتيجة احنا بنستعجل عليها اكثر من اللازم.

-حازم- اوكي

-أحمد- وابسط مثال بيقول لك الصحابة هم يعني السيدة
عائشة كانت بتقول انه ايه.. احنا لما || الحجاب والخمر



الكلام ده في المدينة، فبتقول لولا ان القرآن لو لو ماكانش بنى الايمان ماكنش اصلا هنعرف نلتزم بالشرع ده. طب ده بعد ثلاثة عشر سنة من التربية! فاحنا بنستعجل جدا مع القرآن، فبنتركه وبنمل. كم مرة فتحت تفسير ماخلصتوش؟ وكام مرة فتحت سلسلة وما خلصتهاش؟ وكام مرة فتحت ختمة من امثال الشريف بيقولها دي

-شريف- لزومه ايه الكلام ده يا أحمد؟

-أحمد- اللي هي

-شريف- والكلام البايخ ده

-أحمد- ما هو..

-حازم- طيب ايه الحل طيب؟

-أحمد- لا اصبر بس

-حازم- لا لا

-أحمد- لا اصبر الختمات بتاعة شريف دي اللي هي ختمة عن الاخرة وخاتمة عن اه الاسماء والصفات، فـ الثلاث



صفات دول قبل ما نقول الحاجات العملية انا حاسسهم
attitude طريقة)

-شريف- كان رحمه الله يبدأ في الجزء المفصل..

-أحمد- ويقف عنده, وكان وقاف. فإن انا ابقى داخل بحث
عن الحق. ان انا ابقى داخل بذل وافتقار، وان انا ابقى
عندي الاستمرارية، ورابع واحدة بقي البذل اللي انا بدأت
بها. وده كان البذل انه القرآن هيجتاج مني اتعب، انا
برضو ما كنتش متخيل دي.

-حازم- اتعب دي يعني ايه طيب؟

-أحمد- يعني انت مش قادر تقرا اقعد استحمل يعني دي.
يعني انا مش قادر اقوم اصلي بيه معش قم صلي به
بقدر معين بس ساعات انا ايه ماناش متخيل ان انا لازم
اتعب عشانه

-حازم- ماهو انت..

-أحمد- فاهم قصدي؟

-حازم- زي اي حاجة في حياتك



-حازم- زي اي حاجة محتاجة Consetence اتزان

-أحمد- متخيل، لأ، متخيل القرآن ابسط من كده هفتح التفسير هتبسط

-حازم- ايوا ايوا

-أحمد- طب فتحت التفسير انا مش مش مبسوط فاهم اي حاجة اتفضل اقرا انت مش بتقرا عشان تتبسط، انت بتقرا عشان تبني حال مع القرآن. وفي مراحل من الحال مع القرآن اا مش هتبسطك ويعني وازاي الحفظ هو عندي النهاردة تسمع طب ماشي ما انت مش مبسوط انك هتروح تسمع اقعد الموضوع محتاج بذل وجهد اللي عايز ينزع بقى موضوع البذل والجهد ده انا بتكلم على الحاجات اللي عطتني انا مع القرآن

-حازم- هو ده منطفي جدا

-أحمد- التلات حاجات دول عطلوني تماما لما حببت اي في اي مرحلة حببت ازود الاستمرارية كل مرة اخلص رمضان، فاهم؟ السنة دي انا عندي سنة كاملة، ها؟ طب كل يوم اية طب كل يوم صفحة طب كل اسبوع ربع



مافيش استمرارية، ها؟ تيجي للبذل اروح من هنا مثلا
نعمل مش قادر امسك النقطة انا حاسس ان
الEquation (المعادلة) الثلاثية دي: الافتقار
والاستمراريه والبذل

-حازم- مم

-أحمد- هي آآ هي المعطلة..

-حازم- الاستمرارية

-أحمد- والبذل

-حازم- هو الحطة بتاعة الاستمرارية دي دي ازمة كبيرة
جدا عندي في حياتي واكيد عند ناس كتير فكرة
الConsestency (اتزان)

-أحمد- مم

-حازم- وكلنا عندنا حاجة في حياتنا آآ احنا دايقين فيها
حوار ان احنا استمرينا عليها ودوقنا او لمسنا الاثر
بتاعها، سواء بتروح جيم سواء اه بتصلي، ايه؟
مارحتش الجيم ولا ايه؟



-شريف- لسه دافع الاشتراك والله ثلاث شهور

-حازم- ما شاء الله

-شريف- الزكاة الزكاة الزكاة عن صحتي، بدفع الاشتراك

-أحمد- هو ده الابتلاء اللي..

-شريف- انا عمري ما عدت الجنرال..

-حازم- ما شاء الله

-شريف- بفضل في الجنرال ويعني عمري ما دخلت

برنامج يعني نفسي اعدى مرحلة الجنرال، عملت

الماجستير في الجينيرال خلاص

-حازم- يعني يعني كلنا فعلا اه كلنا عارفين اه

الاستمرارية بتعمل ايه؟

-أحمد- مم

-حازم- واه كنت لسه سامع قريب

-شريف- هنعرف مين الاستمرارية بتعمل ايه؟

-حازم- ما أنت مثلاً

-أحمد- بنشوفها



-شريف- عارفينها عارفينها بنشوف الناس..

-أحمد- بنشوف اللي عملوها

-حازم- انت مثلا في الجيم ماجربتش مثلا يعني بس جربته في حاجات تانية، مثلا يعني لعب الكورة مثلا بتلعب كل اسبوع ستة عشر مرة فانت دايق ده في الكورة، ما شاء الله، فاهم؟ بتعرف تلعب كويس..

-أحمد- لأ وانت شايف اثر ده يعني اثر اللي قال الاستمراريه انت شايف اثر ان هو في الاخر وصل قد ايه في القرآن وقرا قد ايه وعمال يقول لك واقرا لده واقرا لده حاجات كلها عن.. وعدي مرحلة بقي تدبر السور بقي بقي بيبحث بقي في اللغة نفسه نفسها وفي النحو وفي البلاغة، ما هو خلاص عايز عايز، فاهم؟ الظروف. اكيد.

-حازم- انا لسة سامع حاجة كده فرقت معي جدا انه المجاهدة

-أحمد- مم

-حازم- مجاهدة النفس آآ هي ان انت تعمل اللي عقلك بيقول لك عليه مش اللي قلبك بيقول لك عليه



-أحمد- مم

-حازم- مش اللي انت حاسه

-أحمد- تمام

-حازم- فانت دلوقتي مش قادر تصلي، فده قلبك بيقول لك
او انت مش حاسس بس عارف ان انت لو قمت النهاردة
هتكسر حته زيادة هتساعدك بكرة اكره هتساعدك بعد
اسبوعين اكره، عارف؟ فالمنهج ده او النهج ده في
التعامل مع اي حاجة اصلا في الحياة وانا بقول ده وانا
اصلا فاكسان في الاستمرارية بس انا بحاول اعمل ده
دلوقتي مثلا في الفيديوهات على اليوتيوب

-أحمد- مم

-حازم- ان انا بحاول حتى لو انا مش قادر، حتى لو انا
حاسس ان انا فاكسان، حتى لو انا مش عارف ايه هنزل
فيديو كل اه كل اسبوع، ان شاء الله، ماشي؟
فـ انا متخيل ان ده في القرآن ما فيش شك انه آآ ان هو
ده ده الحل، كويس؟

-أحمد- كويس



-حازم- آ..

-أحمد- انا بس قلت الحاجات دي في الاول

-حازم- اه

-أحمد- آآ عشان انا انا غلطت غلطة اعمل اي هتقرا
تفسير ماشي من غير الفرشة دي

-حازم- من غير اه

-أحمد- من غير ما كنت فاهم ان لازم ابذل، فاهم؟ من
غير ما كنت فاهم ان انا انت داخل القرآن متذلل ولا ولا
حاسس ان انت مش يعني.. فاهم؟ فانا حاسس ان ممكن
حد يسمع ده ان شاء الله ويستفيد منه. اما بقى يعني
نعمل ايه؟

-حازم- مم

-أحمد- فانا كنت فتحت موضوع التجويد بس لو عايز
تضيف حاجة قول

-حازم- حلو



-شريف- ماشي انا ممكن اقول ان غير الثلاث حاجات
اللي انت قلتها في حاجة كمان ان في موانع عن الفهم
والتدبر

-أحمد- قول

-شريف- اللي هي منها منها زي ما انت قلت الكبر
والاعراض ومنها الذنوب والمعاصي وده مفهوم.

-حازم- مم

-أحمد- ماشي

-شريف- يعني ربنا قال: ﴿سَأَصْرِفُ عَنْ آيَاتِيَ الَّذِينَ
يَتَكَبَّرُونَ فِي الْأَرْضِ بِغَيْرِ الْحَقِّ﴾ فالانسان لما يدخل
بنفسية المتكبر المستكبر مش هيفهم وفي نفس الوقت
قال تعالى: ﴿أَفَلَا يَتَدَبَّرُونَ الْقُرْآنَ أَمْ عَلَى قُلُوبٍ أَقْفَالُهَا﴾

[محمد: ٢٤]

-حازم- هم

-شريف- فهنا القفل اللي على القلب ده والغطاء اللي على
القلب ﴿كَلَّا بَلْ رَانَ عَلَى قُلُوبِهِمْ مَا كَانُوا يَكْسِبُونَ﴾ ده



بسبب الذنوب والمعاصي. ففي حاجتين من موانع فهم
القرآن كويس

-حازم- ماشي

-شريف- هي الذنوب والمعاصي ومنها الكبر. طبعاً
الموانع كثير يعني، منها دلوقتي احنا عايزين نقول يعني
ايه ايه الحاجات اللي المفروض الواحد..

-حازم- معلى الذنوب والمعاصي مش مقصود بها ان
انت طالما بتعمل ماتدوسش في القرآن

-أحمد- لا بس اعرف انه دي حاجة هتعطلك

-حازم- وان دي حاجة هتقلل من الذنوب، يعني انت لو
بتجاهد نفسك برضو وبتقرا

-شريف- احنا قلنا بقى القرآن هو الحل هو الشفاء للكلام.

-حازم- حلو

-أحمد- طب انا بدأت بالتجويد عشان انا حاسس ان انا
يعني اه يعني هو مش بالترتيب



-شريف- ماشي هو انت انت قلت التجويد ده مهم، طيب ثوابه ايه ان الانسان يتعلم تجويد؟ النبي عليه الصلاة والسلام قال: «الماهر بالقرآن مع السفارة الكرام البررة» ويكفي حتى في فضل ابن مسعود لما النبي عليه الصلاة والسلام سمعه وهو يقرأ القرآن في الحديث ان ابن مسعود قرأ تسع صفحات يعني في النساء من اول النساء لحد ﴿فَكَيْفَ إِذَا جِئْنَا مِنْ كُلِّ أُمَّةٍ بِشَهِيدٍ...﴾ [النساء: ٤١] حوالي مثلا تسع صفحات

-حازم- مم

-شريف- ما غلطش غلطة يعني النبي عليه الصلاة والسلام ماردوش، العلماء في يقولوا ان ده مثال قراءة الطالب على الشيخ، ان ابن مسعود يقرأ على النبي عليه الصلاة والسلام

-حازم- ﷺ

-شريف- فالنبي عليه الصلاة والسلام ماردوش في حرف

-حازم- ﷺ



-شريف- يعني مش مثلا انت دي هنا مثلا محتاج تقلقلها
دي محتاج.. مفيش

-حازم- سبحان الله

-شريف- لما لما النبي عليه الصلاة والسلام سمعه وهو
بيصلي قال: «من سره ان يقرأ القرآن غضا كما انزل
فليقرأه على قراءة ابن ام عبد» اللي عايز يقرأ زي زي
ما نزل فده معناه بيان فضل ابن مسعود ان هو متقن
للقراءة رضي الله عنه

-حازم- انا شايف انا شايف ان التجويد ضروري جدا

-شريف- التجويد بيخليك تدوق

-حازم- هو بيخليك تبدي تفهم، بيخليك تعرف تقراه،
بيخليك حاسس ان انت من حقك اصلا تمشي ان انت آآ
تمسك المصحف وتقراه

-شريف- كفاية كفاية ان أنت اا تستشعر..

-حازم- بتعرف تصلي

-شريف- بتصلي او بتقرأ زي آآ بتقرأ قراءة قريبة من
قراءة النبي مش هنقول زي قراءة النبي عليه الصلاة



والسلام، يعني قريبة من قراءة النبي عليه الصلاة
والسلام تقرأ القرآن زي ما نزل، هو الحديث بس الماهر
الماهر بالقرآن مع السفارة الكرام البررة، الماهر يعني
المتقن ، حافظ ومتقن ويعرف يقول الحرف صح يعني ،
والذي يقرأ القرآن ويتتبع فيه وهو عليه شاق له اجران
يعني لسه بيايه ده ده حديث اللي هو اللي زي حالاتنا
اللي لسه بيحاول ان هو يتعلم ويجود ويظبط وبيتتبع
بيتعلم لسه في البداية. بتلاقي مثلا تعمل مثلا مقراءة ولا
حاجة فيبقى في شاب احد مكسوف ويقرأ ومش عارف
يقرأ صح وبيشكل غلط، ف

-حازم- سبحان الله

-شريف- لا انت طول ما انت ماشي بتتعلم يعني مش
عيب ان انت تقرأ غلط مش عيب ان انت مش عارف
تقرأ لكن العيب ان انت ترضى لنفسك بالحالة دي؛ لان
احنا كثير منا هو مايرضاش ان هو ينطق كلمة باللغة
الانجليزية يعني اه ب accent لهجة) وحشة يعني صح
يعني ايه ده يقولوا علي اه من المنصورة ولا حاجة فمش



هينفع، لازم تتكلم عادي زي حازم كندي او او عامر
لبناني

-حازم- معلى عايز اقول حاجه موضوع البذل في القرآن
ده وكده

-أحمد- انت عطلان هنا ولا ايه؟!!

-حازم- لا لا آآ انا فاكرا انا فاكرا انا فاكرا انه في فترة
في حياتي

-شريف- اه

-حازم- انا مكنتش بعرف اقرا عربي خالص

-شريف- مم

-حازم- كويس ولما كنت بقرأ القرآن

-شريف- مم

-حازم- وامي كانت بتبقى متألمة جدا من قد ايه انا مش

عارف اقرا، وانا وانا كنت يعني مكنتش عارف اقرا

خالص كنت ضايع خالص

-أحمد- سبحان الله



-حازم- وكانت دايمًا بتقول لي على الحديث بتاع ال ال

-شريف- الذي يقرأ القرآن ويتعتع فيه

-حازم- بالضبط اه

-شريف- سبحان الله

-حازم- بفضل الله الحمد لله

-شريف- وده بيبقى بيتقال للاجانب برضو

-حازم- اه

-شريف- بجد.

-حازم- اه تمام

-شريف- لسه بيتعلم لسه

-حازم- بفضل الله الحمد لله رب العالمين انا انا دلوقتي آآ

التجويد بتاعي مش وحش

-شريف- كويس ربنا يبارك

-حازم- الحمد لله يعني، ودي حاجة انا عايز اقولها للناس

آآ معلى ماتزعلوش مني، آآ عارف الجرثومة بتاعة اللي

هو ايه.. انا ما بعرفش اقرا عربي ومش عارف وبتاع



عارف الناس بتحب تقول كده ما بعرفش اقرا عربي
العربي بتاعي مش قوي بحب اكتب بالانجليزي اسهل
ومش عارف ايه وبتاع وانا عندي الازمة دي بس في
ناس معها لغتين وبيعرفوا يجودوا برضه في ناس معها
عربي بس وما بيعرفوش يقرأوا قرآن، فاهم قصدي؟

-شريف- مم

-حازم- يعني يعني اللي هو انت انت لو اا

-شريف- ده قصر ذيل

-حازم- اه قصر ذيل لو انت لو انت اجنبي يا عم..

-شريف- بين قوسين قصر ذيل

-حازم- لو انت اجنبي

-شريف- ايوة ايوة

-حازم- ومتربي يا عم عايش طول حياتك برة وهتقول لي
قشطة ما بعرفش اقرا قشطة بس لو انت مصري وعايش
في مصر وما بتعرفش تقرأ قرآن



-شريف- فكك بقى من جو بقى لو اتكلم انجليزي ومش..
 عارف انا شفت حلقة في البرنامج بالقرآن اهتديت وده
 كان عامر كاتبه في البتاع اه اه واحد امريكي والله العظيم
 فعلا يعني انا زعلت على نفسي والله لما شففته زعلت
 على نفسي، ما شاء الله ما شاء الله ربنا يبارك، حفظ قرأ
 هو بيحكي للشيوخ فهد ان هو قرأ القرآن كله عمل ختمة
 كده، قبل ما يسلم وبعدين راح اتعلم لغة عربية، اتقن
 اللغة العربية قال انا انا ايه.. هو كان بيحكي بقى قصة
 ان هو بيروح اا، ممكن ابقى احط لكم اللينك بتاع الحلقة
 يعني، اا بيروح يدور ما كانش في الانترنت والحاجات
 دي فصعب انه يجيب كتاب. فقال انا هفضل يعني تحت
 رحمة ان حد يترجم كتاب بالانجليزي والكلام ده وادور
 على كتاب واروح بلد ومش عارف ايه، قال لي لازم اتعلم
 العربي، الراجل بيتكلم يعني بيتكلم آآ امريكي امريكي
 وبيتكلم لغة عربية فصحي..

-حازم- ماشي ما شاء الله

-شريف- مافيش يعني.. متقن ما شاء الله وحافظ للقرآن،
 وراح راح المدينة دخل جامعة المدينة ودرس ورجع



وشغال دلوقتي في الدعوة. يعني يا جماعة آآ يعني احنا
احنا مقصرين!

-حازم- انا اا النقطة دي اتفهمت

-أحمد- رقم واحد تجويد

-حازم- ما أنا بس الناس فهمت النقطة دي؟

-أحمد- ايوة بص احنا نحسب ان احنا بنكلم ناس عايزة
تأخذ خطوة

-حازم- تمام

-أحمد- فمن الآخر عشان القرآن يعمل فينا اللي بيتعمل
في الناس ده لازم يتقري بنظم معين، هو هو التجويد
حاجة عشان تخلي القرآن يتفاعل مع العقل والعاطفة
بالطريقة دي. هو معمول كده هي الاحكام دي معموله
بحكمة مش دي احكام عن النبي ﷺ

-حازم- ﷺ

-أحمد- فبالتالي هي يعني جزء من تأثير القرآن عليك انه
يتقري كده، لازم الناس تفهم ده واللي بيقرأه من غير
التجويد اه ييفقد جزء من..



- حازم- طيب انا سمعت ان اه ان ان التجويد فرض، صح؟
- أحمد- فيها خلاف بس بس احنا النهاردة مش مش في فكرة انا هأثم ولا لا احنا في فكرة انه ايه..
- شريف- احنا بنحاول..
- حازم- أنا مش بتكلم..
- أحمد- علماء التجويد يقولوا لنا..
- حازم- طيب
- أحمد- علماء التجويد نفر العلماء بتقرا البيت..
- حازم- انا شايف ان ده..
- أحمد- لأ فيها خلاف
- حازم- انا شايف انه لو فيه خلاف لو فيه خلاف
- أحمد- لإظهار اهميته فيها
- حازم- ايوه بالظبط
- أحمد- كويس



-حازم- ده يكفي ان انت تعرف ان الموضوع قد قد يصل الى درجة ان هو يبقى فرض

-أحمد- ماشي ماشي

-حازم- انك تتعلم تجويد انك تتعلم تجويد، صح؟

-أحمد- رقم اثنين

-شريف- ماشي

-حازم- تمام؟

-شريف- -أحمد- ماشي

-أحمد- رقم اثنين الحفظ

-حازم- ماشي

-شريف- استني بس ثانية واحدة

-أحمد- هتكمل في التجويد؟

-شريف- لا يعني احنا قبل قبل الحفظ انت لاحظت الحفظ

دي درجة متقدمة شوية

-أحمد- خلاص ماشي



-شريف- يعني احنا دلوقتي بنتكلم في التجويد، بتكلم عن التجويد ليه؟ بعدها علشان القراءة.

-حازم- الورد

-شريف- يكون عندي ورد اه ورد ورد يومي، يعني ايه ورد يومي؟ يعني يوميا انت بتترد على القرآن ده

-حازم- ماشي

-شريف- الورد ده زي ايه يرد الماء يعني النبي عليه الصلاة والسلام قال

-حازم- ﷺ

-شريف- «ان مثل ما بعثني الله به من الهدى والعلم كمثل غيث اصاب ارض...» يعني الوحي قران زي الغيث كده المطر اللي بينزل على الارض «.. فكان منها طائفة طيبة قبلت الماء وانبتت الكلاً والعشب الكثير» فانت محتاج ان انت يوميا تتلقى الوحي ده تسمعه

-حازم- هم



-شريف- اا تسميع وتقرأ، ورد الورد ده اقل حاجة فيه
اقل حاجة فيه ان انت بتاخذ عداد حسنات اا شغال على
الحرف

-أحمد- تمام

-شريف- يعني ده آآ

-أحمد- تمام ده بالنسبة لي تمام

-شريف- اه يعني ده اقل حاجة

-أحمد- بس اهم حاجة

-شريف- اه ما احنا مش هنقف عند ده اه يعني اقول ايه
يعني اقل حاجة اقل حاجة حديث النبي عليه الصلاة
والسلام

-حازم- عليه أفضل الصلاة والسلام

-شريف- مش اقل حاجة الحديث يعني اقل حاجة انت
هتاخذ اقل درجة الثواب انت بس تتوضأ وتقعده وتمسك
المصحف وتجمع قلبك عليه وتقرأ والنبي عليه الصلاة
والسلام قال: «من قرأ حرفاً من كتاب الله فله به حسنة
والحسنة بعشر أمثالها لا أقول الف لام ميم حرف ولكن



الف حرف ولام حرف وميم حرف» وفكرة ان الحسنات برضو، ان انا اخذ حسنات احيانا بعض الناس يبقي بيزهد في الطريقة دي وهو مش واخذ باله
-حازم- ماشي

-شريف- يعني ممكن واحد ايه يفكر ايوة عادي ان انا عايز اخذ حسنات كثير ما هو الحسنات دي هتتحط في كفة الحسنات

-حازم- صح

-شريف- وممكن تكون سبب في دخولي الجنة
-أحمد- ماشي

-شريف- فانا عايز اخذ حسنات مافيش مشكلة ففكرة الحسنات ممكن تدفعني ان انا عايز اقرأ كثير. انا ياعم عادي انا ممكن اقرأ حاجات مش فاهمها وعادي يا جماعه ان كان الصحابة في حاجات يبقي ايات معينة ماكانوش فاهمينها فكانوا بيروحوا يسألوا النبي عليه الصلاة والسلام في ايات يبقيوا فاهمينها غلط، تشكل عليهم، فبيروحوا يسألوا النبي



-حازم- كويس

-شريف- وحصل مع السيدة عائشة وغيرها من الصحابة كثير. فعادي. انا قرأت مش فاهم اية، عادي خلاص يبقى المهم خلتنا في الخطوة الاولى ان انا لي ورد ثابت يوميا، طيب الورد ده قد ايه؟ في حاجة محددة؟ لا. بس هقول لك على حاجة نصيحة، يعني حاول ان انت مثلا تعملها بوقت، يعني هقرأ مثلا قرآن في اليوم عشرين دقيقة مثلا خمسة وعشرين دقيقة نص ساعة ربع ساعة عشر دقائق، بس عشر دقائق دول انا ما بعملش حاجة غير ان انا ايه بقرأ قرآن. تقفل الموبايل تقفل الواتساب تقفل notifications الاشعارات) كلها انا قاعد بقرأ القرآن مركز متوضي وقاعد ماسك المصحف وبقراً.

آآ او تحدها ب

-حازم- بصفحات او

-شريف- صفحات او بسورة او بجزء معين عشر صفحات، خمس صفحات، صفحتين، صفحة، المهم ان انت يكون لك ورد ثابت يوميا ماشي دي الحاجه التانيه



استيعاب عقلك للكلام تبقى مناسبة. ما انت لو بتقرا اسرع من انه عقلك يفكر في الكلام ده غلط. وانك تردد الايه دي حاسس انه فيها معنى طب قلها ثاني وقلها تالت وقلها عاشر عادي جدا عشان كده انا معك بصراحة فكرة الوقت مش الكمية عشان ادي نفسك فرصة ان شاء الله تقعد ربع ساعة في صفحتين. لو انت خلصت صفحتين لا انا حاسس ان انا عايز اقرهم تاني تاني فتقرهم تاني فما فيش مشاكل. من الحاجات الاخيرة اللي هو الكتيب المعاني، او في ال(application تطبيق) بتاع المعاني مش التفسير

-شريف- عشان دي اول مرحلة في فك الالفاظ اللي هي الغريبة انا بالنسبة لي ده غريب القران
-أحمد- مرتبط بالورد يعني وانا بقرا كده فلقيت مثلا مثلا مخمصة مخمصة فعادي بدوس عليها وبيطلع لي ان هي مثلا ايه جوع فخلاص ماشي عرفت. انما مش مش كتاب تفسير مش انا قاعد بقرا طب استنى بقى وافتح، لأ، تدبر يفضل جوة القرآن



-شريف- بصراحة الباشا مهندس آآ الشيخ عبدالله العجيري

-أحمد- مم

-شريف- كان كان في مرة هنا كده هنا في في مصر فكنا آآ في جلسة كده يعني فالشيخ قال صراحة نصح نصيحة حلوة يعني، بيقول ان هو عامل كتاب يعني جايب عامل كراسة كده

-حازم- اه

-شريف- مخصوصة لايه؟ لغريب الالفاظ القرآن بتاعته، يعني انا مثلا ايه الكلمة دي انا مش فاهم معناها، فعادي ممكن احيانا انت تبص على معناها وبعدين ترجع ثاني تتساه

-أحمد- مم

-شريف- فكانت كل كلمة مش عارف معناها في الختمة يدور على معناها، مثلا يجيب كتاب من كتب غريب القرآن ويدور علي معناها ويكتب معناها، فبقيت مجمع انا فيه الفاظ معينة في القرآن في الختمة بتاعتي انا ما



كنتش عارف معناها، ختمة في الثانية في الثالثة وانا
معي غريب القرآن ده وابص فيه واتفكر فيه، انا بقيت
الالفاظ دي فكيت الالفاظ. ودي دي مرحلة مهمة جدا في
الفهم والتدبر. فك الالفاظ الغريبة اللي انا مش فاهمها.
زي ما عامر ضرب مثال.

-حازم- ايوة

-شريف- الدرجة اللي بعد كده ان انا اجيب كتاب في
التفسير اا مبسط خالص، اللي هو
-أحمد- عايز اكمل على حدة الورد
-شريف- اتفضل

-أحمد- عشان انا عايز اقول انه.. يعني انا رأيي انه
اعظم اوقات الورد اللي في بالليل في الصلاة، عشان اللي
هيقدر يعمل ده يعمل

-حازم- حلو

-أحمد- ولو هيعرف يعمله مش كل يوم

-شريف- منين انت جبت ان ده اعظم وقت؟



-أحمد- من سورة المزمل، اعظم اوقات..

-شريف- للورد ولا الانتفاع من القرآن؟

-أحمد- التفاعل مع القرآن

-شريف- ماشي، لكن الورد يعني مش مش..

-أحمد- لا يستند ده، انا قصدي

-شريف- لا يشترط يعني ان هو في اخر.. يعني لو انت

لو انت الصبح بدري مثلا ده وقت انت ذهنك بيبقى فيه

قبل ما تنزل الشغل حاضر

-أحمد- ارجع عشرين ثانية ورا انا قلت..

-شريف- انا بس باخد وضع ال

-أحمد- الاخ بتاع السند ده، ههه، انا بقول انه ربنا قال آآ

ايه الآية ايه

-شريف- المزمل

-أحمد- ايوة الا قليلا سواء زد عليه ﴿إِنَّ نَاشِئَةَ اللَّيْلِ هِيَ

أَشَدُّ وَطْناً وَأَقْوَمُ قِيلاً﴾ الصلاة اللي هتتشأ بالليل القرآن



اللي هيتلى فيها الصلاة اللي هتنتج عن القران هيبقى
اشد وطأ، نفسي هتتربى وهتتزكى..

-شريف- طلاقة اللسان مع السمع مع القلب

-أحمد- اه، وَأَقْوَمُ قِيلاً، الكلام اللي هيتقري في القرآن
مستقيم يخش في القلب على طول

-حازم- حلو

-أحمد- وده وده يعني يعني

-حازم- حلو، موضوع برضو ان انت ربطت القرآن
بالصلاة ان انت ينفع وردك يبقى في الصلاة دي حاجة
برضو فيها

-أحمد- اه طبعا

-حازم- حاجة عملية يعني

-أحمد- وده من احد التفسير اللي (إِنَّ الصَّلَاةَ تَنْهَىٰ عَنِ
الْفَحْشَاءِ وَالْمُنْكَرِ ۗ وَلَذِكْرِ اللَّهِ أَكْبَرُ ۗ) يعني ذكر الله اللي هو
القرآن في الصلاة اا ينهى عن الفحشاء والمنكر بشكل
اكبر



-حازم- هم

-أحمد- فبالتالي انا بقول ده عشان اللي يقدر يصلي
يومين تلاتة في الاسبوع ده هيبقى خير وبركة يعني
هيجي بالليل والناس نايمه وهو هدي والدنيا هديت ويقوم
يقرا قرآن ولوحده، القرآن بحس كده ان هو، فاهم؟ منور
اكثر بكتير. انما مش معنى كده انو ده الوقت انا بقول..

-حازم- سبحان الله

-أحمد- بحسه اعظم احسن

-شريف- طيب ندخل المرحلة اللي بعدها

-أحمد- قول يا باشا

-شريف- احنا قلنا دلوقتي في التجويد وبعدين الورد
القراءة وبعدين قلنا الغريب

-أحمد- وهأكد بس على الورد عشان انت قلت في النص
اسمع واقرا، ده حاجه وده حاجه.

-شريف- اللي هو ايه؟

-أحمد- عشان تسمع بس



-حازم- ماشي

-شريف- مش اه

-أحمد- الناس بتسمع بس

-شريف- اه انا هتكلم عن السماع بردو

-أحمد- اه

-شريف- يعني يا جماعة السماع مهم زي ما احنا اتكلمنا
وربنا سبحانه وتعالى: ﴿وَإِذَا قُرِئَ الْقُرْآنُ فَاسْتَمِعُوا لَهُ
وَأَنْصِتُوا لَعَلَّكُمْ تُرْحَمُونَ﴾ ان من اسباب تنزل الرحمات ان
الانسان يستمع القرآن سواء في الصلاة او يتدبر لسماع
القرآن وهو في الطريق في العربية من اسباب تنزل
الرحمة على الانسان..

-حازم- سبحان الله

-شريف- فالسماع مهم

-حازم- جميل جدا

-شريف- احنا قلنا دلوقتي ترتيب اهو

-حازم- سبحان الله



-شريف- تجويد خذ خطوة في التجويد، طب اتعلم تجويد ازاي؟

-أحمد- والله أنا..

-حازم- عند شيخ اي شيخ

-أحمد- اتعلمت الاول كروكي وبعد كده اتعلمت صح

-شريف- طيب ممكن في طرق يعني برضو عشان ندي للناس ابواب في مثلا في دورة اسمها التجويد المصور للدكتور ايمن السويد

-أحمد- بس..

-شريف- موجودة على ساوند كلاود واليوتيوب مهمه جدا وجميلة جدا. في دورة بيعلم فيها مخارج الحروف وفي دورة تانيه. هو ما شاء الله الشيخ متقن ربنا يبارك طبعا

-حازم- والتجويد على فكرة يعني ..

-شريف- مش صعب خالص الناس لما تمشي فيها تتعود

-أحمد- شهرين ثلاثة وخلصت



-شريف- طيب النصيحة الثانية ان انت تسمع القراء
المصريين زي الشيخ الحصري والشيخ المنشاوي

-أحمد- ده في التجويد

-شريف- في التجويد

-أحمد- عشان التجويد

-شريف- اه يعني انت عايز دلوقتي، انا مثلا بحفظ مثلا
سورة النبأ وليكن هبدأ بجزء عم مثلا فعايز اقرا صح..
اسمع الشيخ الحصري مثلا كتير المعلم او المصحف
المرتل، ايا كان، المهم ان انت الشيخ الحصري ما شاء
الله مسطرة، ربنا يرحمه يعني، يعني تخرج بمخارج
الحروف صح وقراءة صح.

فيبقى انا هسمع دورة في التجويد ده للشخص اللي مش
لاقي

-أحمد- مم

-شريف- طيب لقيت شيخ متقن قريب مني او دار

-أحمد- احسن بكثير



-شريف- روح الشيخ واتعلم تحتيه، ده مهم. يبقى انا بسمع وبردد مع اللي انا بسمعه، يبقى ده واجب عملي، واتفرج على دورة في التجويد، آآ اجيب مثلا كتاب في التجويد، احفظ متن معين، اروح لشيخ، يبقى دي سهل ان هو الانسان يتعلم تجويد.
المرحلة الثانية..

-أحمد- قلنا التجويد، قلنا الورد، قلنا السماع

-شريف- الورد، غريب القرآن..

-أحمد- مم

-شريف- يبقى اا عندك كتاب، دي مرحلة

-حازم- ايوة

-شريف- سماع القرآن، شوف القراء اللي انت بتحبهم، وعايزين الناس تكتب لنا في القراء اللي انتم بتحبوا تسمعوها. آآ الحاجة اللي بعد كده هي قلنا تاخذ حاجة المعنى الاجمالي بتاع الاية. يعني انا مش عايز في المرحلة دي اللي انا بتكلم لسه واحد بيطلع اهو. مش عايز في المرحلة دي انا ادخل اه في خلافات المفسرين



وادخل في قصص الاسرائيليات والاسانيد والاحاديث، لا!
انا عايز بس افك المعنى بتاع الاية. الاية بتتكلم عن ايه؟
التفسير الميسر، المختصر في التفسير، اا تفسير الشيخ
السعدي آآ رحمه الله، يعني كل الحاجات دي كبداية حلوة.

-حازم- بس ده بقى ده ده امتى؟ يعني بعد لما اعمل ايه؟

-أحمد- ده دلوقتي

-شريف- ده دلوقتي عادي يعني آآ يعني انت انت في
رمضان لما بدأت مثلا التفسير اللي هو المفصل في
سورة ق ومن الذريات وق وكده كان بالنسبة لك يعني
شايف ان هو كويس، واستفدت به وكنت بتكتب حاجات
فدي حاجة مش مش صعبة يعني مش مستوى صعب.
التفسير الميسر او مختصر في التفسير امشي فيه شوية
وان شاء الله لو عملت فيه خاتمة في سنة في سنتين ده
شيء عظيم جدا، ثلاث سنين ما فيش مشكلة

-حازم- حلو

-شريف- وهو سهل دلوقتي ما شاء الله موجود اه يعني
على application (تطبيق) اية اه مركز تفسير عاملين



اه مركز اية مش عارف مركز ايه ومركز تفسير المهم
ان هم عاملينه صوتي، يعني حتى على الابليكيشن
دلوقتي ممكن ان انت تختار السورة بمختصر الصوتي
بيقرأ الاية وبعدين بيقرأ التفسير كمان.

يعني انت بس مجرد انت هتخط تمسكه قدامك وتقرأ
وتسمع حتى التفسير بالصوت يعني

-حازم- كويس

-شريف- وده موجود على الساوند كلاود وموجود على
اليوتيوب كمان. فده سهل جدا وميسر

-أحمد- عايز اقول حاجه كمان اه آآ، ايه في حاجة؟

-حازم- بشوف آآ الكاميرا باقي وقت قد ايه فوق على
الشمال؟

-- سبعة وتلاتين

-شريف- خليني بس اقول كمان آآ مرحلة وخلص على
كده يبقى انا كده خلصت

-أحمد- قول قول



-شريف- في في مراحل بعد كده متوسعة اكثر من من
التفسير اا مش هنتكلم فيها دلوقتي لان ده ده حاجة
متخصصة اكثر. لكن انا انصحك بكتب معينة اه تقرأ يعني
اربع كتب انصحك به اول كتاب كتاب الطريق الى القرآن
وكتاب رقائق القرآن الكتابين لدكتور ابراهيم السكران،
ربنا يفك اسره، الكتابين التانيين للشيخ عمرو الشرقاوي
ربنا يحفظه يعني

-حازم- -أحمد- shout out to come

-شريف- ههه، كتاب الدليل إلى القرآن وكتاب المشوق
للقرآن، يعني اقرأ المشوق قبل الدليل
-أحمد- حلو

-شريف- الكتب دي

-حازم- عنده فيديوهات كان عاملها برضو

-شريف- بس دي مش دي اللي في القرآن

-حازم- اه



-شريف- دي الكتاب ده جميل جدا جدا وهيرد لك فيه اسئلة الحاجات اللي هي القرآن اتجمع ازاي والاسانيد بتاعة وطب الاسرائيليات؟ طب القراءات؟ طب الاسئلة اللي بتدور في ذهنك حوالين القرآن هتلاقي في الكتاب ده اه ما شاء الله كل الاسئلة او في غالب الاسئلة اللي تيجي في ذهنك متجاوبة بشكل بسيط برضو ميسر وفي الاخر هو حاطط لك برضه آآ مراحل عملية في التدرج لفهم القرآن. بس انا كده خلصت.

-أحمد- طيب هقول لك انا كنت عايز اضيف ايه. لو انا افترضت دلوقتي انه في واحد آآ بذل مع نفسه مثلا من هنا لرمضان واتعلم تجويد وآآ وآآ وبدأ في كتاب تفسير وان شاء الله يخلصوا في رمضان ويشد حيله ايا كان، وهو دلوقتي بقى يوميا بيقرأ او بيصلي. اللي انت قلته بتاع الاربع كتب دول ده بداية، بس الاصل انه يبقى فيه دائما استزادة من التقرب من القرآن

-شريف- مم

-أحمد- وده على مستويين. ان انا مثلا بسمع مثلا مثلا اه نعمان علي خان سورة كذا اه الشيخ احمد عبدالمنعم



سورة كذا، اه كتاب كذا عن سورة كذا، ان انا بسمع عن القرآن والسور والخواطر و و فاهمين قصدي؟

-شريف- تعيش مع سورة معينة مثلا او..

-أحمد- الشيخ حازم شومان تفسير سورة كذا، تدبر سورة او ان انا ابقى بسمع عن القرآن نفسه اللي هو زي اللي احنا بنعمله في ده البودكاست ده.

اللي هو مثلا دروس الشيخ احمد بتاعة آآ كيف الناس تتعامل مع القرآن؟ آآ ازاي القرآن بيتفاعل في القلوب؟ او كتب مثلا آآ آآ الشيخ ابراهيم اللي انت قلتها. هو هي حاجات بتفهمك ايه هو القرآن..؟ وببشتغل ازاي؟ واعمل معاه ايه؟ فالمنظومة دي لازم تبقى مستمرة اصلا!

-شريف- شغالة، صح.

-أحمد- الناس تبقى مستمرة، ان انا كان في درس حلو قوي عن..

-شريف- يعني مشروع

-أحمد- مثلا الشيخ العجيري اللي هو اللي هو اللي هو بتاع الاسئلة ده انك تخش القران باسئلة بس هو بيعلمك



concept مفهوم) انك لما تتدبر اسأل، فلما تخش تسأل تلاقى اجابة، فده درس فادك في طريقة التعامل مع القرآن، درس فادك في زيادة الايمان بالقرآن، درس فادك في فهم حاجة جديدة عن القرآن، وكلها حاجات عملية وايمانية.

الناحية الثانية اه خواطر عن سورة يوسف، فاهم؟ اه مثلا ايه.. اه الشيخ احمد عنده خطب كثير، تبقى تلت ساعة مثلا عن سورة الزخرف، الفكر الاساسية

-حازم- بس كده حياتي كلها هتبقى قرآنية

-أحمد- بس خلاص شكرا ماشي

-شريف- يا سلام!

-أحمد- ايوة شكرا! اه والله! شكرا، برافو عليك يعني هو البود كاست وده، بس! ههه.

-حازم- طيب جزاكم الله خير. عايز اقول نصيحة للغلابة، اا اللي انا منهم يعني، انا دلوقتي عندي

-شريف- كورس الغلابة ههه



-حازم- اه ده الجديد بقا

-أحمد- ماقلتش نكت النهاردة عشان..

-حازم- اه ده في حد قال كل مرة لازم تقول نكتة

-أحمد- لأ ما..

-حازم- طيب ماشي

-شريف- ما يطلبه المستمعون، هيقولها بمزاجه.

-أحمد- المرة الجاية.

-شريف- هي النكتة دي انت جايها من ابو فيلا؟

-أحمد- لا بس شفت ممكن افتح له حاجات كده ضيقة،

ههه

-شريف- ههه، انت جايب النكتة اللي فانت دي من أبو

فيلا؟

-أحمد- لا والله

-شريف- ماشي

-أحمد- بس ابو فيلا جامد



-شريف- لا، بس مش هنقول كده

-أحمد- ماشي

-حازم- طيب اا

-أحمد- نكت يعني

-حازم- انا دلوقتي عندي ثلاثة وتلاتين سنة، كويس؟ آآ
وآآ شايف انه الواحد بيحط targets أهداف) في حياته
كثير لحاجات يعني واللي هو انا لازم ابقى مثلا معايا
فلوس، لازم يبقى معي العربية الفلانية، لازم ابقى film
maker صانع أفلام) واعمل افلام يعني كل واحد عنده
بقى الاحلام بتاعته وال targets بتاعته وكثير بقى بنقعد
نسمع انه ايه آآ it's never to late لم يفت الأوان
أبدأً) ودايما في وقت ان انت تبقى جامد في في كذا
وممكن ترجع الحاجة

-شريف-

-حازم- اه والحاجة اللي انت، ال career مهنة) اللي
انت فكست له ممكن ترجع له تاني



-أحمد- ها

-حازم- والسن مش فارق ومش عارف ايه

-أحمد- طبعا

-حازم- فانا كنت آآ دائما بتخيل القرآن لو ما حفظتوش
وانت صغير مثلا يعني فات الاوان خلاص، عارف؟

-أحمد- مم

-حازم- دائما بيقول لك كده بيقول لك احنا لما بنكبر
بالظبط ده انا حاسه كلام فاضي

-شريف- اه

-حازم- وعائز ابقى مؤمن ان هو كلام فاضي؛ عشان دي
حاجة محبطة جدا

-أحمد- انا رابط الموضوع الاساسي بفكرة الفتح دي،
قلت لك القرآن مش مش مش مزاجك مش بقدرته مش
بسنتك

-حازم- بالظبط كده

-أحمد- ما انا بشوفها كده والله يا جماعة



-شريف- احنا ماتكلمناش عن حفظ على فكرة
-حازم- اه طيب فاللي انا فاللي انا عايز اقوله
-أحمد- عايزين نتكلم عن حفظ القرآن طيب
-حازم- اللي انا عايز اقوله اللي انا عايز، اسمع يا ابني
بقي

-أحمد- ماشي

-حازم- احنا عندنا حياة واحدة، و انا مش حاسس انه اي
حد فينا يقدر آآ يقدر يبقى Ford يعني ايه فورد؟ يعني
-أحمد- يتحمل

-حازم- يتحمل فكرة انه آآ ما ياخدش نصيبه من القرآن
في الدنيا، يعني مافيش حاجة اسمها انه آآ قشطة
انا فات الاوان ان انا ابقى لعيب كورة مثلا في الدنيا
فخلاص عادي بقي هبقى احصلها في الاخرة، مش
مشكلة، عارف؟

-شريف- عادي يعني



-حازم- اه عادي فاهم؟ ماحصلتش على البيت الفلاني ولا الحياة الفلانية، مافيش مشكلة في الاخرة. مافيش اخرة من غير القرآن. عارف؟ يعني ما فيش اخرة من غير القرآن.

والكلام اللي احنا قاعدين نتكلمه ده كله آآ احنا قاعدين نتكلم في الكلام ده عشان هو القرآن فعلا هو اللي هيخرج الواحد من صراعات الدنيا، هو اللي هيفكر الواحد بايه الحاجات المهمة، هو اللي هيخليك تتخلص من العادات الوحشة والذنوب الكبيرة والذنوب الصغيرة، هو اللي هيفكرك بالصح، هو اللي يخليك تحب آآ الناس المتدينة آآ اللي انت تقدر تبقى صحاب معاهم عشان تبقى احسن، هو اللي هيظهرك، هو اللي هيخليك تروح لربنا، هو اللي هيخليك لما اسم ربنا يذكر قلبك آآ يحن، هو اللي هيخليك تبقى مسلم كويس، هو اللي هو اللي هيوصلك في الجنة في الاخر. ففكرة ان احنا نشوف فعلا ان القرآن ده حاجة نازلة لبعض الناس ان هم مثلا يحفظوا القرآن عشان يبقوا مثلا ائمة مساجد مثلا آآ ده دي دي نظرة قاصرة جدا. القرآن نازل لنا كلنا. وآآ وماينفعلش خالص احسن ان



انا مش من الناس اللي القرآن نازل نازل عشاتها، هو القرآن نازل عشاتي، عشان انا انتفع به مش عشان عشان اطلع اعمل فيديوهات آآ بقرأ القرآن او بفسر القرآن، هو مش ده الهدف، بس.. مش لازم اطلع اعمل اللقطة بتاعة ان انا اربط الايات ببعض بالعلم بالمش عارف ايه بالكلام ده، مش هي دي، مش هو ده الهدف.

آآ مش الهدف ان انا اعيط زي ما انت قلت، مش الهدف ان انا احفظه عشان يبقى مسموح لي ان انا ائم، كويس؟ لما كنا مع بعض في الاعتكاف ودي حاجة مشهد انا عمري ما هنساه، كويس؟ انا بشوف ان انا آآ انا في الدنيا انا محقق شوية حاجات كده يعني الحمد لله بتخليني ايه دنيويا آآ ثقيل شوية، الحمد لله يعني، آآ بفهم شوية في الدنيا، مثقف شوية، بفهم في كذا حاجة ومش عارف ايه.. لما جيت اتحطيت في مكان الميزان اللي فيه هو القرآن بس..

-شريف- مم

-حازم- ان انا قاعد في قاعد في وسط ناس آآ عادي احنا بنهلس مع بعض في الحياة ومش عارف ايه، هم الشباب



دي يعني لو حد لو انتم مش فاهمين يعني، آآ بنهلس مع بعض وبنهزر ومش عارف ايه وبتاع وبعدين اتحطنا في مكان هم بيطلعوا يصلوا عشان هم حافظين ما شاء الله وناس تانيه ومش عارف ايه وانا.. الميزان بقى، فاهم؟ انا ما عنديش اي حاجة احطها في الميزان عشان ابقى جامد في المكان ده، فاهم قصدي؟ نطلع برة قشطة انا هعلم عليكم في اي حاجة

طب في المكان بقى اللي الحوار ليه لازمة؟ عند ربنا؟ انا ايه؟ فاهم؟ فدي حاجة انا برجع لها كل شوية، انا برجع افكر كل شوية.

قشطة يا عم انت راجل عظيم وجامد وproducer (منتج) ولا مش عارف ايه ولا دي جي ولا بتاع، فاهم؟ وبعدين؟ عارف؟ ماشي.

-أحمد- إن شاء الله نصلح علاقتنا بالقرآن

-شريف- باذن الله، انا عايز بس اقول حاجات اوجه على حاجات نصايح بس سريعة

-أحمد- بالعكس عشان الحتة دي حلوة..



-شريف- يعني حازم وهو يقول الحوار ليه لازمة عند ربنا هو يعني برضو عشان ايه الناس اللي هتتصيد في الكومنتات هو يعني هو حازم بيعبر لكن لا يقصد ان ده يعني هو ربنا سبحانه وتعالى هو غني يعني، انت بتقول ممكن يكون له قيمة عند ربنا سبحانه وتعالى او له فضل وثواب عند ربنا، يعني ده تعليقه يعني على الكلام يعني.

-أحمد- جزاك الله خير

-حازم- او كيه.

-شريف- ماشي؟

-حازم- حلو

-شريف- قبل ما حد يرد عليك

-حازم- جزاك الله خير

-شريف- لكن هو بيتكلم عادي فده عادي يعني، مش مش، معفو عنه يعني.

الحاجة الثانية ان ان في برنامج جميل قوي للشيخ فهد الكندري احنا قلناه اللي هو بالقرآن اهتديت وتلات مواسم اتفرجوا عليه، هو فكرة البرنامج ان الشيخ ربنا يحفظه



جايب الناس اللي دخلت في الاسلام، وبرنامج بصراحة يعني اثر في حياتي جدا يعني جدا. في حلقات معينة فرقت مع الواحد جدا.

-أحمد- ده من الحاجات لازم يبقى في حاجتين

-شريف- لما بتشوف احوال الناس اللي دخلت في الاسلام بسبب اية وحياته بقت كلها القرآن آآ ده بيأثر فيك جدا احوال الناس آآ فده برنامج مهم وشيخ موفق فيه، ربنا يحفظه يعني.

في برنامج عمله في رمضان اللي فات، الشيخ جايب بيستضيف الناس اللي حفظت القرآن على مستوى الكويت بس. وبيحكوا التجربة بتاعتهم في حفظ القرآن وازاي كانوا عايشين وحفظوا ازاي، وجاب فيها نماذج لناس ما شاء الله ما شاء الله ما شاء الله في الخمسين وفي الستين وبدأوا حفظ متأخر وختموا!

-حازم- عادي جدا!

-شريف- عادي

-حازم- سبحان الله



-شريف- هم حكوا، وده برنامج صراحة انا لما شفته بصراحة كنت يعني يعني كنت مكسوف من نفسي جدا، يعني اطفال صغيرين وناس عندها خمسين ستين سنة، فبرنامج مفيد ونافع.

احنا ما اتكلمناش عن حفظ القرآن بس انا انصحكم تتفرجوا على محاضرة للدكتور حازم ربنا يحفظه اسمها حفظ القرآن غيرني. يا جماعة اي حاجة اي حاجة عايزين تسخنوا فيها في الدين اسمعوا الشيخ حازم شومان.

-حازم- حازم شومان

-شريف- ايوة دكتور حازم شومان، المحاضرة اسمها حفظ القرآن غيرني

-حازم- اصل في واحد كان بيتفرج علي بيقول لي انا اول مرة اتابعك اه انا بحبك ولا انا بحبك قوي يا دكتور حازم شومان، ههه.

-شريف- -أحمد- هههه

-شريف- لا لا



-حازم- اه والله

-شريف- لا ده مش هينفع خالص. ف فاسمعوا المحاضره
دي جميله جدا هتشجعكم جدا ان انتوا باذن الله تحفظوا؛
لان ده من حاجات زي ما قلنا ان شاء الله هتبقى فيها نفع
كبير علينا وعلى علينا كلنا ان شاء الله.

والحمد لله رب العالمين. سبحانك اللهم وبحمدك، أشهد
أن لا إله إلا أنت، استغفرك وأتوب إليك. والحمد لله رب
العالمين.

